

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04** 2012-ip ukiuata affaanni siullermi kommunalbestyrelsip aningaasaqarnerminik nalunaarutaa.
- Imm. 05** Sisimiuni sanaartornermi naatsorsuutit pingasut.
- Imm. 06** Kangerlussuarmi inissialiornissamut kommunimit sanaartortitassaq ataaseq.
- Imm. 07** Sisimiuni Ilaqutariinnermut Immikkoortortamut immikkut aningaasaliissuteqartoqarnissaanik qinnuteqaat.
- Imm. 08** Immikkut aningaasaliissutinik qinnuteqaat, konto 41 - Maniitsoq.
- Imm. 09** Immikkut aningaasaliissutinik qinnuteqaat, konto 47 - Maniitsoq.

Suliassat nalinginnaasut

- Imm. 10** Qeqqata Kommuniani attaveqarnissami periusissap akuersissutigineqarnera.
- Imm. 11** Immikkoortuni immikkut toqqakkani takornariaqarnermik suliffeqarfiuteqarsinnaanermut akuersissuteqartarneq pillugu Inatsisartut inatsisaannut nr. xx., xx-mi 2012-imeersumut tusarniutaasumut akissuteqaat
- Imm. 12** Qeqqata Kommuniata inissiaataani 2013-imut missingersuutissatut siunnersuut.
- Imm. 13** Arnap mikisup inussuliaata (Tøsebakkip) taaguuserneqarnissaa.
- Imm. 14** Kangerluarsunnguami aqquuserngit taaguutaat.
- Imm. 15** Imigassamik tuniniaasinnanermut akuersissummik qinnuteqaat – Mica Kiosk, Kangerlussuaq.
- Imm. 16** Kangerlussuarmi nunaqarfinni aqutsisuniit tunuarnera – Katrine E. Kleist.
- Imm. 17** Ataatsimoorussamik Itilleq/Sarfannugit nunaqarfinni aqutsisuniit tunuarniut – Dina Berthelsen.
- Imm. 18** Oqaluuserisassatut siunnersuut – Maniitsup illoqarfiani nakorsaqaarniarneq.



Paasissutissiissutit

- Imm. 19** Ilaasortat siunnersuutaasa killiffii pillugit paasissutissiineq.
- Imm. 20** Maniitsumi atuartut angerlarsimaffiani oqoqalersimanerata nutarterinissanut immikkut aningaasaliiffigineqarnissanut, kiisalu Sisimiuniit Maniitsumut nukinnik nuussinissamut qinnuteqaatit pillugit paasissutissiissut.
- Imm. 21** Uuliap innaallagissallu akiisa qaffannerat paasissutissallu nutaat pillugit passissutissiissut.
- Imm. 22** Sisimiut umiarsualiviata allineqarnerata inuiaqatigiit aningaasaqarneranut misissuineq pillugu paasissutissiissut.
- Imm. 23** Kangerlussuarmi ikaartarfik pillugu paasissutissiissut.
- Imm. 24** 2012-mi Kangerlussuup avannaani aasaanerani umimmaat pisassiissutit agguanneqarnerat piniarneqarnerallu pillugit paasissutissiissut.
- Imm. 25** Nakkutilliinermut atatillugu 2012-mi majiugaa Maniitsumi utoqqarnut angerlarsimaffik Neriusaamik, Nunatsinni Nakorsaaneqarfiup misissuineranik ilisimatitsissut.
- Imm. 26** Meeqqanut inuusuttunullu tunngatillugu eqqugaasunut inatsit suliatigullu periutsit.
- Imm. 27** Tamalaat.

Ataatsimiinneq Sisimiuni ingerlanneqarpoq aallartillunilu nal. 8:30

Peqataasut:

Atassut

Godmand Rasmussen, Sisimiut

Inuit Ataqtigii

Ane Marie Schmidt Hansen, Sisimiut

Regine Petrussen, Sisimiut - Anda Berthelsen taarserlugu

Katrine Larsen Lennert, Sisimiut

Olga Berthelsen Ljungdahl, Sisimiut

Beathe Poulsen, Atammik

Siumut

Hermann Berthelsen, Sisimiut

Karl Lyberth, Maniitsoq

Evelyn Frederiksen, Sisimiut

Alfred Olsen Sisimiut

Efraim Olsen, Kangaamiut

Hans Frederik Olsen, Sisimiut

Morten Siegstad, Maniitsoq

Søren Alaufesen, Sisimiut

Nalunaaruteqarlutik peqataannngitsut:

Bitten Heilmann (A)

Anda Berthelsen (IA)

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Kommunalbestyrelsip oktobarip naalernerani ataatsimiinnissaa Maniitsumi ingerlanneqassasoq borgmesterip nalunaarutigivaa.

Katrine Larsen Lennert, Ane Marie Schmidt Hansen, Regine Petrussenilu, Imm. 12, Qeqqata Kommuniata inissiaataani 2013-imut missingersuutissatut siunnersuut eqqartorneqalerpat peqataasinnaanatik nalunaarput.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Borgmesterip nalunaarutaa oqaaserineqartut ilanngullugit paasissutissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Ataatsimiititaliani siulittaasut nalunaarutaat oqaaserineqartut ilanngullugit paasissutissatut tiguneqarput.

**Kommunalbestyrelsip aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

**Imm. 04 2012-ip ukiuata affaanni siullermi kommunalbestyrelsip aningaasaqarnerminik
nalunaarutaa**

Journalnr. 06.00

Pissutsit atuuttut

Ukiup ingerlanerani atsikkutigiissaartumik atuisoqaruni atuisimaneq/isertitat 50,0 procentimiissapput.

Qeqqata Kommunia 2012-mi juunip naanerani	Missingersuutit iluasiissutitallit	Naatsorsuutitut ikkutat	2012-imi procenti
Allaffissornermut tunngasut	92.798	47.266	50,9
Teknikkimut tunngasut	35.684	16.718	46,9
Suliffissaqartitsiniarneq inuutissarsiutillu	24.386	10.044	41,2
Ilaqutariinnermut tunngasut	172.230	87.012	50,5
Ilinniartitaaneq kulturilu	204.732	111.814	54,6
Pilersuinnermut tunngasut	1.986	2.002	100,8
Ingerlatsineq katillugu	531.816	274.856	51,7
Sanaartornikkut aningaasartuutit	123.003	26.673	21,7
Aningaasartuutit katillugit	654.819	301.529	46,0
Ingerlatsinikkut isertitat	-595.670	-278.951	46,8
Karsimiittuutit (imm. akuersissutit)	59.837.000	22.578	
Killiffimmi nikeraatit (ineq. attartort.)	15.070.944		
Ataatsimut katillugit	74.907.944		

Kisitsisit (-) tallit = isertitat/sinneqartoortit
Kisitsisit (+) tallit = aningaasartuutit amigatoortit

Allaffissornermut tunngasut

Allaffissornermut tunngasut		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
10	Qinikkanut aningaasartuutit	7.313	7	7.320	3.481	3.839	47,6%
11	Kommunimi allaffissornermut ingerlatsineq	69.900	363	70.263	33.725	36.538	48,0%
12	Kantiinamik ingerlatsineq	486	0	486	569	-83	117,1%
13	Qarasaasiaqarneq	7.489	0	7.489	4.946	2.543	66,0%
18	Akimortumik ingerlatsineq	7.240	0	7.240	4.544	2.696	62,8%
Katillugit		92.428	370	92.798	47.265	45.533	50,9%

Allaffissornermut tunngasutigit aningaasaliissutinit 92,8 mio. koruuniusuniit katillugit 47,3 mio. koruuninik atuisoqarsimavoq. Taamalu 50,9 procentinik atuisoqarsimalluni.

Qinikkanut aningaasartuutitigit aningaasaliissutinit 7,3 mio. koruuniusuniit 3,5 mio. koruuninik atuisoqarsimavoq. Taamalu 47,6 procentinik atuisoqarsimalluni, taamaalilluni 180 tusind koruuninik atuinikinnerusulik paasinarluni.

Kommunimi allaffissornermut ingerlasinermin aningaasaliissutinit 70,2 mio. koruuniusuniit 33,7 mio. koruuninik atuisoqarsimavoq. Taamalu 48,0 procentinik atuisoqarsimalluni. Atuivallaarnermi Sisimiuni Teknikkimut Avatangiisinullu imm. iluarsartuusineq peqqutaanerpaavoq. Taama atuinikkut ukiumut aningaasaliissutinik 325 tusindit koruuninik missaannik atuisoqarnerussaaq. Taamatutaaq Maniitsumi kiassarnikkut aningaasartuutit 211 tusind koruuninik aningaasartuutaasimallutik, taamalu atuinikkut ukiumut aningaasaliissutinik 100 tusind koruuninik missaannik atuisoqarnerussaaq.



**Kommunalbestyrelsip aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

Kantiina atuiwallaartoqarpoq, tamatumanilu kantiinap suliariumannittussaarsiuunnissaata suli aaqinginnera patsisaavoq. Siusinnerusukkut paasissutissiisutigineqartutuut INI-p 21.12.2011-imi ingerlatseqataanini taamaatippaa, kingusinnerusukkulli kisaatigisimallugu kantiinamik atuiinnaru-sulluni - massakkumuugallartoq. INI-p kommunillu akornanni Sisimiuni kantiinamik suliariuman-nittussarsiuussinermi suleqatigiissitamik pilersitsisoqarnikuvoq. Tamatuma kingorna Maniitsumi kantiinap suliariumannittussarsiuunnissaa ingerlanneqarsinnaassaaq. Konto 11-miit nuutsinissaq pisariaqarsorinarpoq.

Qarasaasiaqarnikkut aningaasaliissutinit 7,5 mio. koruuniusuniit 4,9 mio. koruuninik atuisoqarsi-mavoq. Taamalu 66,0 procentinik atuisoqarsimalluni. Atuiwallaarnermut Microsoft-ip atortorissaa-rutaanik katillugit kommunip atuisuinit 347-rusunut nutarterineq patsisaavoq. Massakkumut 1,7 mio. koruunit Kimik-IT-mut akilerneqareerput.

Akimoortumik suliatigut aningaasaliissutinit 7,2 mio. koruuniusuniit 4,5 mio. koruuninik atuisoqar-nikuvoq. Taamalu 62,8 procentinik atuisoqarsimalluni.

Konto 18-02-kkut atuiwallaarnermut kommunimi sillimasiinikkut ukiumut akiligassat amerlanersaat 2012-imi februaarimi marsimilu akilerneqarnikuuneri patsisaanerpaavoq.

Nunaqarfinni konto 18-20-ikkut akuersissutaasunii nalinginnaasumik atugassarititaasunik atuinerat annikitsuinnaavoq.

Teknikki

Teknikki (1.000 kr.)		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
20	Aqquserngit, lkaart., majuartarfiit sanaartukkat il.il.	7.405	-40	7.365	2.251	5.114	30,6%
21	Saligaatsuutitsineq aputaajaanerlu	7.681	77	7.758	5.137	2.621	66,2%
22	Pisuussutit uumassusillit	241	4	245	83	162	33,9%
23	Kommunimi suliffeqarfiit assigiinngitsut	3.840	300	4.140	2.568	1.572	62,0%
24	Inuutissarsiuuteqarfinnik attartortitsineq	-2.457	120	-2.337	-1.449	-888	62,0%
25	Qatserisartoqarneq	6.571	162	6.733	2.656	4.077	39,4%
27	Teknikkikkut suliffeqarfiit allat	11.498	282	11.780	5.472	6.308	46,5%
katillugit		34.779	905	35.684	16.718	18.966	46,9%

Teknikkeqarfimmi aningaasaliissutinit 35,7 mio. koruuniusuniit 16,7 mio koruuninik atuisoqarsi-mavoq. Taamalu 46,9 procentinik atuisoqarsimalluni.

Saligaatsuutitsineq aputaajaanerlu (konto 21) Sisimiuni Maniitsumilu annertuumik atuiiffupput taamatullu Kangaamiuni Atammimmilu, taamalu ukiumut aningaasaliissutit sipporneqareerlutik. Kommunimi suliffeqarfiit assigiinngitsutigit (konto 23) atuiwallaartoqarpoq, tamatumanilu assas-sorlutik suliaqartunut aningaasartuuteqarneq patsisaanerpaalluni, tassa Sisimiuni Kalaalimineerniar-fiup ikuallannerata kinguneranik aningaasartuutit ingerlatsinikkut aningaasartuutitut ikkutaagamik. Sillimasiinikkut aaqqiisoqariarpat aningaasartuutit taakku matussuserneqarnissaat naatsorsuutigine-qarpoq.

Inuutissarsiuuteqarfinnik attartortitsineq (Konto 24) isertitaarfiuneruvoq, tassa attartornermi akiliutissat siumoortumik akiligaagamik.



**Kommunalbestyrelsep aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

Suliffissaqartitsiniarnermut inuutissarsiuteqarnermullu tunngasut

Suliffissaqartitsiniarnermut inuutissarsiuteqarnermullu tunngasut		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
34	Suliffissaqartitsiniutit	3.081	11	3.092	1.412	1.680	45,7%
35	Piginnaangorsaaaneq	1.392	0	1.392	846	546	60,8%
37	Inuutissarsiuteqarfiit kommunip peqataaffii	3.902	0	3.902	2.621	1.281	67,2%
38	Ilistersuisarfik	15.875	125	16.000	5.165	10.835	32,3%
Katillugit		24.250	136	24.386	10.044	14.342	41,2%

Suliffissaqartitsiniarnermut inuutissarsiuteqarnermullu tunngasut aningaasaliissutinit 24,4 mio. koruuniusuniit 10,4 mio. koruuninik atuiffiusimapput. Taamalu 41,2 procentinik atuiffiusimallutik.

Piginnaangorsaaaneq (konto 35) atuivallaarfiusimavoq, ilaatigut suliffeqarfinnut piginnaangorsaa-nermi atugaasunut akiliutitigut atukkat annertummata.

Inuutissarsiuteqarfiit kommunip peqataaffii (konto 37) atuivallaarfiusimavoq, ilaatigut Inuutissar-siornermut Siunnersuisoqatigiinnut ukiup affaani kingullermi akiliutissat juunip naaneranut akiler-neqarnikummata, taamatullu aamma Arctic Circle Race ukimut tapiissutissat tunniunneqareerlutik.

Ilistersuisarfik (konto 38) ukiup affaani siullermi atuinikinneruffiusimavoq, pingaartumik suliffe-qannginnermi annertussilerikkani tunniussisarnerup (konto 38-02) missingersuutaasunit annikinnerungaatsiamik atuiffiusimaneratigut. 2012-mi ukiup affaani kingullermi taamatut ingerla-soqaannassappat, taava 2012-imi 2 mio. koruunit missaannik katillugit atuinikinnerusoqassaaq.

Ilaqutariinnermut tunngasut

Ilaqutariinnermut tunngasut (1.000 kr.)		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
40	Sisimiuni akiliunneqarluni meeqqerivimmiititaqarneq	260	0	260	49	211	18,8%
41	Meeqqanuk ikorsiiiniutit	17.804	6	17.810	10.969	6.841	61,6%
43	Isumaginninnikkut pensionit	11.569	0	11.569	7.986	3.583	69,0%
44	Meeqqanuk pilersuisussamit akilersuutit	403	0	403	489	-86	121,3%
45	Pisortanit ikorsiissutit	12.784	0	12.784	8.664	4.120	67,8%
46	Isumaginninnikkut ikorsiissutit allat	9.505	36	9.541	4.692	4.849	49,2%
47	Utoqqarnik isumaginninneq	51.940	640	52.580	28.621	23.959	54,4%
48	Innarluutilinnut tunngasut	66.349	314	66.663	25.402	41.261	38,1%
49	Allatigut isumaginninnikkut aningaasartuutit	620	0	620	139	481	22,4%
Katillugit		171.234	996	172.230	87.011	85.219	50,5%

Ilaqutariinnermut tunngasutigit aningaasaliissutinit 172,2 mio. koruuniusuniit 86,8 mio. koruunit ator-neqarsimapput. Taamalu 50,5 procentinik atuisoqarsimalluni.

Meeqqanuk ikorsiiiniutitigut atuivallaartoqarsimavoq, atuivallaarsimanerlu meeqqanik ulloq unnuarlu angerlarsimaffinnut inissiisarneq (konto 41-07) patsisaalluni. Kontomik atuinerup massakkumut ukiup sinneranut aningaasaliissutit 2 mio. koruuniusut 1.155 tusindit koruuninik sippuiffiusussatut isikkoqartippaa. Isumaginninnikkut pensionitigut atuivallaartoqarluni, tamatumani pensionit siumoortuunerat patsisaanerulluni. Atuisimaneq qaammatinut arfineq-marlunnut nalunaarsukkatigut uuttugaavoq. 31.12.2011-mi siusinaartumik pensionillit 203-upput, 30.06.2012-imilu 212-ullutik – tassalu siusinaartumik pensionillit qulingiluanik amerlisimallutik.



**Kommunalbestyrelsip aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

Pisortanit ikiorsiissutit (konto 45) Sisimiuni atuiffiunerat annertusingaatsiarsimavoq, taamatuttaarli aamma Sarfanguani Itillimilu. Ukiup afaani kingullermi allangortoqangippat 2012-imi 17 mio. koruuninik atuisoqarnissaa naatsorsorneqarluni, taamalu missingersuutiniit 4,5 mio. koruuninik annertunerussalluni.

Utoqqarnik isumaginninneq (konto 47) auivallaarfiuvoq, tamatumanilu Sisimiuni napparsimavimmi paaqqutarinnittarfimmiititsisarneq, taamatullu aamma Sisimiuni utoqqarnik sammisassaqaqtisinarneq patsisaanerullutik.

Innarluutilinnut tunngasut (konto 48) annertuumik akuersissutinut atatillugu atuinikinneruffiuvoq. Tamatumani Kalaallit Nunaanni Danmark-imilu innarluutilinnut inissiisarfinnik atuinnginneruneg patsisaalluni.

Allatigut isumaginninnikkut aningaasartuutit (konto 49) annertuumik atuinikinneruffiupput, tamatumanilu Maniitsumi katsorsartittarnikkut aningaasaliissutinik akuersissutiniit annertuumik annikinnerusumik atuineq patsisaanerpaalluni.

Kommunalbestyrelsip ataatsimiissutissaani Ilaqtariinnermut tunngasutigut 12 mio. koruuninik immikkut aningaasaliisoqarnissaanik qinnuteqaateqarpoq, tassa Sisimiuni kontonut 41, 43 aamma 45- imut Maniitsumilu 41 aamma 47-ikkut agguataakkat.

Kommunalbestyrelsip 2012-imi qaammatit siulliit pingasut qaangiunnerannut atatillugu Ilaqtariinnermut ataatsimiititaliaq piumasaqarfigivaa, ulloq unnuarlu inissiisarfinnut inissiisarnerni, tamakku malinnaaffiginerini meeqqallu utertittarnerinut atatillugu suleriutsit allaaserinerinik aningaasaqarnermut ataatsimiititaliamut kommunalbestyrelsimullu tullianik ataatsimiinnissanut saqqummiussa-qassasoq. Ilanngullugulu naatsorsuutigineqarluni iliuuserisartakkatigut qanoq iliuuseqarniarnerit nalunaarsuusioreqassasut. Atortussat tamakku sulitunneqarnikuunngillat.

Ilinniartitaaneq kulturilu

Ilinniartitaaneq kultrilu (1.000 kr.)		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
50	Meeqqanut inuussutunullu ikiorsiiniutit	64.219	567	64.786	31.917	32.869	49,3%
51	Atuarfeqarneq	109.201	230	109.431	64.875	44.556	59,3%
53	Sunnjiffimmi sammisassaqaqtisinarneq	13.933	153	14.086	6.513	7.573	46,2%
55	Atuakkanik atorniartarfeqarneq	2.184	0	2.184	1.114	1.070	51,0%
56	Katersugaasiveqarneq	2.987	287	3.274	1.206	2.068	36,8%
59	Kulturikkut sammisassat assigiinngitsut paasititsiniaanerlu	10.858	113	10.971	6.188	4.783	56,4%
Katillugit		203.382	1.350	204.732	111.813	92.919	54,6%

Ilinniartitaaneq kulturilu aningaasaliissutinit 204,7 mio. koruuniusunit 111,8 mio. koruuninik atuiffiusimavoq. Taamalu 54,6 procentinik atuiffiusimalluni.

Atuarfeqarneq (konto 51) kontorpassuaqarpoq akuersissutinit sippuiffiusimasunik, ilaatigut Sisimiuni atuarfiit illutaannik aningaasartuutitigut (innaallagiaq, kiassarneq il.il.). Allaffissornikkut tamakku eqqumaffigineqarput, aningaasaliissutitigullu nuutsinissat piareersarneqarlutik.

Taamatuttaaq aamma kontut utertitassaqaqfiusut malunnarlutik, ataatsimoortumik tapiissutit aqqitigalugit utertitassat aqqittarnissaat allaffeqarfimmit sulit atuutsilertinneqarsimanngitsaq.

Kulturikkut sammisassat assigiinngitsut paasititsiniaanerlu (konto 59) atuiffiungaatsiarpoq, ilaatigut tapiissutit ukioq naallugu tunniunneqareernerat patsisaalluni, taamatuttaarlu aamma upernaq manna Kalaallit Nunaanni pissartanngunniunnerni peqataasunut tapiissuteqarsimaneq.

Allaffeqarfiup paasissutissiisutigivaa, nalinginnaasumik kontut aningaasaliiffiunik nuutsinissami misissuiffigineqarmata.



**Kommunalbestyrelsep aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

Pilersuinikkut suliffeqarfiit

Pilersuinikkut suliffeqarfiit (1.000 kr.)		Miss.	Imm.akuers.	Akuersiss.	Atuineq	Sinn.	Atuineq
Konto	taaguutaa						
66	Anartarfeqarneq il.il.	3.031	361	3.392	774	2.618	22,8%
68	Allatigut pilersuinikkut suliffeqarfiit	2.885	-899	1.986	2.002	-16	100,8%
Katillugit		5.916	-538	5.378	2.776	2.602	51,6%

Pilersuinikkut suliffeqarfiit aningaasaliissutinit 5,4 mio. koruuniusuniit 2,8 mio. koruuninik atuifiusimapput. Taamalu 51,6 procentinik atuiffiusimallutik.

Anartarfilerineq il.il. annertuumik atuinikiffiungaatsiarpoq, ilaatigut anartarfilerinermi akiliutigut. Taamatuttaaqq kontoqarluni aningaasaliiffiusunik imaluunniit atuiffiuvalaanngitsunik. Soorlu Maniitsumi eqqaavissuaqarnermut konto, taamatullu aamma Avatangiisit pillugit konto.

Allatigut pilersuinikkut suliffeqarfiit atuivallaarfiusimapput, tamatumani ikuallaavimmi atuivalaarneq taaneqarsinnaalluni. Ukiup affaanut ukioq naallugu aningaasaliissutit atorneqareersimallutik, tamatumani kissarsuutip qammaqqinnerani aningaasartuutit patsisaallutik, taamatullu aamma ikuallaavimmut immiissutit innallagiaasigut akornuteqarsimanerat. Akissarsiatigut aningaasartuutit annertullutik, soorlu Sisimiuni ”Eqqavissuarmi” uuliamik maqisoornermut atatillugu annertuumik saliisoqarnikummat.

Sanaartornermut tunngasut

Sanaartornermut tunngasut		Miss.	Imm.akuers.	Akuersiss.	Atuineq	Sinn.	Atuineq
Konto	Kontop taaguutaa						
70	Sanaartornermut aningaasartuutit - allat sanaartugassaataat	16.350	12.665	29.015	10.253	18.762	35,3%
72	Sanaartornermut aningaasartuutit - teknikkimut tunngasut	34.235	11.480	45.715	3.407	42.308	7,5%
73	Sanaartornermut aningaasartuutit - suliff.inuutissarsutinullu tunngasut	0	0	0	0	0	0,0%
74	Sanaartornermut aningaasartuutit - Ilaqtariinnermut tunngasut	1.000	0	1.000	0	1.000	0,0%
75	Sanaartornermut aningaasartuutit - ilinniaritaneq kulturilu	9.800	16.864	26.664	9.414	17.250	35,3%
76	Sanaartornermut aningaasartuutit - pilersuinikkut suliffeqarfiit	0	2.591	2.591	2.391	200	92,3%
77	Sanaartornermut aningaasartuutit - sanaarorfigissaaneq	5.000	13.018	18.018	1.207	16.811	6,7%
Katillugit		66.385	56.618	123.003	26.672	96.331	21,7%

Sanaartornermut tunngasut aningaasaliissutinit 123,0 mio. kruuniusuniit 26,7 mio. koruuninik atuifiusimapput. Taamalu 21,7 procentinik atuiffiusimallutik. 2011-mi piffissami tassani 3,5 mio. koruuninik atuisoqarsimalluni, tassalu 3,1 procentinik.

Taama atuinikinnek pingaartumik sanaartukkat annertunerit eqqarsaatigalugit tulluittunik patsiseqarpoq:

Allat sanaartugassaataat eqqarsaatigalugit (konto 70, ineqarnermut tunngasut) atuinikippallaarnermut pingaarnertut patsisaavoq, Namminersorlutik Oqartussat sanaartortinniagaat ingerlaavartumik allanngorartuarnerat, Sisimiunilu utoqqarnut inissialianik sanaartorneq kinguaattoorutaalluni. Kangerlussuarmi ikkussuutassat Illorput pingasut naammassinikuupput, illumut ataatsimut erngup kuuffissuullu attavissaat kisimik pinnatik.

Teknikkimut tunngasutigut (konto 72) Sisimiuni Maniitsumilu kuuffissuarnik iluarsartuussinerit iluamik suli ingerlanneqalinnngillat. Sisimiuni qatserisartut bilissaannik pisinissami qatserutaasivimmi isertarfissap allissutissaata naammassinissaa utaqqisaavoq. Sisimiuni umiarsualiviup allilernera pilersaarutit malillugit ingerlavoq.



**Kommunalbestyrelsip aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

Ilaqtariinnermut tunngasutigut (konto 74) utoqqaat angerlarsimaffiata puiortartunngorsimasunut allilerneru, elevatorilernissa iggavimmilu pitsannngorsaanerit aallartinneqareerput. Ilinniartitaanermut kulturimullu tunngasutigut (konto 75) Maniitsumi Sisimiunilu meeqqerivissat nutaat kingusinaaraluartumik massakkut ingerlanneqarlualereerput. Mainngortuunnguup Nalunnguarfiullu atuarfiisa iluarsartuunneri nutaaliornerilu aallartinneqareerput, pilersaarutillu naapertorlugit ingerlanneqarlutik.

Pilersuinikkut suliffeqarfiit tungaasigut (konto 76) ikuallaavimmi pitsannngorsaaneq, tassa majuar-tarfeqarfiit, allaffik – sulisullu isersimaartarfissat naammassillugit matuneqareerput.

Sanaartorfigissaaneq (konto 77) eqqarsaatigalugu, pingaartumik Akiani sanaartorfigissaaneq kinguaattoorfiuvoq, Sisimiunilu umiarsualivimmi aqquserngup allannngortiternera aamma kinguaat-torfiunikuulluni. Qaqqajunnap qaartiternera naammassingajalivippoq. Kangerlussuarmi sanaartorfigissaaneq eqqarsaatigalugu, pilersaarusiaq massakkut suliarineqareerpoq, massakkullu entreprenørinik isumaqatigiissusiortoqareerluni.

Sumiiffinni aningaasartuuteqarfinni ataasiakkaani atuineq

Ingerlatsinikkut aningaasartuutit sanaartukkat ilanngullugit (1.000 kr.)		Miss.	Imm.akuers.	Akuersiss.	Atuineq	Sinn.	Atuineq
Sumi	Sumiiffik						
Illoqarfiik aamma Nunaqarfiit katillugit		2.704	59.837	62.541	23.368	39.204	37,4%
A	SISIMIUT	296.490	42.868	339.358	147.899	191.459	43,6%
B	KANGERLUSSUAQ	27.420	3.329	30.749	10.565	20.184	34,4%
C	SARFANNGUIT	6.366	71	6.437	3.282	3.155	51,0%
D	ITILLEQ	5.850	73	5.923	2.944	2.979	49,7%
E	Nunaqarfiit ataatsimoortut	1.173	0	1.173	516	657	44,0%
F	KANGAAMIUT	20.466	1.105	21.571	8.555	13.016	39,7%
G	ATAMMIK	9.123	319	9.442	3.130	6.312	33,1%
H	NAPASOQ	4.799	66	4.865	1.744	3.121	35,8%
I	MANIITSOQ	172.955	11.620	184.575	86.280	98.295	46,7%
J	Ataatsimoorussat	-541.938	386	-541.552	-241.578	-299.974	44,6%
A	SISIMIUT	296.490	42.868	339.358	153.118	186.240	45,1%
1	Allaffissornermut tunngasut	25.394	224	25.618	12.892	12.726	50,3%
2	Teknikki	16.136	507	16.643	8.005	8.638	48,1%
3	Suliffissaqartitsiniarneq inuutissarsiuqarnerlu	12.159	28	12.187	4.601	7.586	37,8%
4	Ilaqtariinnermut tunngasut	83.771	635	84.406	45.814	38.592	54,3%
5	Ilinniartitaaneq kulturilu	115.986	436	116.422	64.295	52.127	55,2%
6	Pilersuinikkut suliffeqarfiit	2.735	-813	1.922	727	1.195	37,8%
7	Sanaartukkanut tunngasut	40.309	41.851	82.160	16.784	65.376	20,4%
I	MANIITSOQ	172.955	11.620	184.575	89.109	95.466	48,3%
1	Allaffissornermut tunngasut	14.671	102	14.773	7.143	7.630	48,4%
2	Teknikki	9.857	237	10.094	5.427	4.667	53,8%
3	Suliffissaqartitsiniarneq inuutissarsiuqarnerlu	6.365	87	6.452	2.509	3.943	38,9%
4	Ilaqtariinnermut tunngasut	72.287	394	72.681	34.351	38.330	47,3%
5	Ilinniartitaaneq kulturilu	52.734	601	53.335	30.555	22.780	57,3%
6	Pilersuinikkut suliffeqarfiit	925	204	1.129	1.072	57	95,0%
7	Sanaartukkanut tunngasut	16.116	9.995	26.111	8.052	18.059	30,8%

Nunaqarfiit ingerlatsinikkut atuinerat naatsorsuutigisatut ingerlavoq. Maniitsoq annertuumik tulluuttutigut atuiffiuneruvoq konto 6 – Pilersuinikkut suliffeqarfiit.



**Kommunalbestyrelsip aggustip 23-ani 2012-imi ileqquusumik ataatsimiinnerata 04/2012-ip
imaqarniliornera**

Akileraarutit, tapiissutit nalimmassaarutillu

Akileraarutit, tapiissutit nalimmassaarutillu Konto	Kontop taaguutaa	Miss.	Imm.akuers.	Akuersiss.	Atuineq	Sinn.	Atuineq i %
80	Inuit akileraarutaat	-290.674	0	-290.674	-120.669	-170.005	41,5%
81	Selskabit akileraarutaat	-4.000	0	-4.000	0	-4.000	0,0%
83	Nalinginnaasumik tapiissutit nalimmassaarutillu	-284.520	0	-284.520	-148.465	-284.372	52,2%
Katillugit		-579.194	0	-579.194	-269.134	-458.377	46,5%

Qeqqata Kommunia akileraarutitigut tapiissutitigullu aningaasaliissutinit -579,2 mio. koruuniusuniit -269,1 mio. koruuninik isertitaqarpoq. Taamalu 46,5 procentinik isertitaqarsimalluni.

Inuit akileraarutaat (konto 80-01) qaammatini tallimani Namminersorlutik Oqartussat naatsorsuutitut ikkussaat naapertorlugit, tassa akileraarutissatigut akiliutaagallartartut kingumootugaamik. 120 mio. koruuninik tigusaqarneq, ukiumut siulianut sanilliullugu anneruvoq, tamatumani ilaatigut procentimik ataatsimik akileraarutitigut qaffaanerup kinguneranik. Selskabit 2012-imut akileraarutaat (konto 81-01) 2013-ip allartinnerani tunniunneqartussaapput.

Nalinginnaasumik tapiissutit nalimmassaarutillu (konto 83-01) ilaatigut tassapput PPR-imut VSP-mullu ataatsimoortumik tapiissutit naatsorsuutitut ikkuneri, tassa 2012-imi januaarip 1-aniit kommuninut tunniunneqarmata.

2012-imut selskabit akileraarutaat (konto 81-01) 2013-ip aallartinnerani tunniunneqassapput.

Allatigut isertitat isumakkeerinninnerillu

Allatigut isertitat isumakkeerinninnerillu (1.000 kr.) nto Kontop taaguutaa	Miss.	mm.akuers.	Akuersiss.	Atuineq	Sinn.	Atuineq
85 Erniat, aningaasaliissutitigut iluanaarutit pappilat nal. iluan.	-12.976	0	-12.976	-5.085	-7.891	39,2%
86 Allatigut isertitat	-4.600	0	-4.600	-4.752	152	103,3%
88 Isumakkeerinninnerit	1.100	0	1.100	1	1.099	0,1%
Katillugit	-16.476	0	-16.476	-9.836	-6.640	59,7%

2012-ip ukiuata affaani siullermi Qeqqata Kommunia erniatigut, aningaasaliissutiminik iluanaarutitigut illuutiminik tunisermigut, sanaartorfigissaanermigut isumakkeerinninnertigullu -16,5 mio. koruuninik aningaasaliissuinit -9,8 mio. koruuninik isertitaqarpoq. Taamalu 59,7 procentinik isertitaqarluni.

Erniatigut isertitat (konto 85-01) niuerfinni erniat nalinginnaasumik appasinnerinik sunnigaasimavoq.

Illuutit attartortinnerini aningaasaliissutitigut iluanaarutit (konto 85-04) qaammatinut tallimanut akiligaapput, tamatumani INI-p Sisimiuni Maniitsumilu qaammammik ataatsimik kingusinnerusumik tunniussisarnera patsisaalluni.

Allatigut isertitat (konto 86-01) tassaapput illuliornermi aningaasaliissuteqartarnermik peqqussut naapertorlugu suliaqarnermut akiliutit.



Illuutiniq tunisisarnermi (konto.86-02) nunaqarfinni Atammimmi Napasumilu illuutit marluk Sisimiullu illoqarfianni illuutit marluk tuninerat pineqarput. Sanaartorfigissaanermut / kuuffissuarmut attaviliinermut akiliutip (konto 86-03) ukiup affaani siullermi akilerneqarneratigut 2012-imut missiliuutit 600 tusindit koruunit missaannik sipporneqarput. Inuit ataasiakkaat sanaartornermi nunaminertamik toqqavissamik apeqquteqartarnerisa saniatigut, piginneqatigiilluni inissiatileqatigiiffittaaq taamatullu entreprenøreqarnikkut suliffeqarfik sanaartorfigissaanermut akiliuteqarnikuupput.

Isumakkeerinninnissamik suliat annertuut ataatsimoortillugit katersorneqassapput, tamatumalu kingorna Aningaasaqarnermut ataatsimiititaliamut decembarimi ataatsimiinnissami saqqummiunneqassallutik.

Ukiup naanissaanut pigisassat naatsorsuutit

2012-ip aallartinnerani pigisat	72.147.994
2012-imi ingerlatsinikkut naammassisassat missingersuutit	-2.704.000
Killiffimmi nikeraatit	-15.070.944
Immikkut aningaasaliissutit	-59.837.000
karsimiittuutit nikeraataat katillugit	-77.611.944
2012-ip naanerani pigisassat	-5.463.950

Ukiup naanissaanut pigisat nalillit 77,2 mio. koruuniniit -5,4 mio. koruuninut appariaateqarnissaat naatsorsuutigineqarpoq. Taamatut naatsorsuuteqarneq 2012-ip aallartinnerani pigisat nalillit anner-tussusiinik, 2012-imi missingersuutitigut ingerlatsinikkut naatsorsuutigisat annertussusiinik, killiffimmi nikeraatit annertussusiinik (20-20-60 ineqarnikkut attartukkat), taamatullu ullumikkumut immikkut aningaasaliissutit annertussusiinik naatsorsuineramik toqqammaveqarpoq.

Ilaqutariinnermut tunngasutigit allaaserineqartutuulli, immikkut aningaasaliissutissat 12 mio. koruuniusut isummerfigineqartussaapput. Immikkut aningaasaliinissamik qinnuteqaatit taakku akuersissutaagaluarpata, aningaasaqarniarnikkut inissisimaneq suli ilungersunarnerulissaaq, tassa 2012-ip naaneranut aningaasat pigisat -17.610.950 koruunilissagaluar mata.

Kommunit naatsorsuutaat il.il. pillugit Namminersorlutik Oqartussat nalunaarutaat nr. 13, 26.07. 2010-meersoq naapertorlugu 5 procentinik karsimiittuuteqarnissamik piunasaqaat, 01.04.2012-imi atuukkunnaartitaavoq.

Kommunit missingersuusiortarnerat, aningaasanik tigorianaateqarnerat, naatsorsuutaat, kukkuner-siuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nutaaq nr. 3, 03.02.2012-meersup § 3-ani, imm. 4-mi aalajangersagaavoq, kommunit sukulluunniit aningaasanik tigorianaateqassat ingerlaavartumik pisussaaffiit akiler-neqartarnissaannut naammattunik. Kommunalbestyrelsen missingersuusiortarnermigut ukiumi missi-ngersuusiortarnermigut aningaasaqarnermigut atugassarititamik killissarititani aalajangersartarpai.

Aningaasaqarnikkut atugassarititaasutut naatsorsuutigisat aqqutigalugit kommunip aningaasaqarnera suli ilungersunarnermilissaaq, taamaattumik aningaasaqarnikkut sutigit tamatigit sukangasuumik aqutsineq suli pisariaqavippoq.



Akiitsut

Qeqqata Kommuniata aningaasat akiitsulinniit pisassai 30.6.2012-imi katillugit 59,9 mio. koruuniupput, ukiumut kingullermi piffissamut tassunga sanilliullugu 2,2 mio. koruuninik appariaateqarlutik. Sammivinni marlunni annertuumik pisassat appariaateqarput, tassalu Sisimiuni 5,9 mio. koruuninik teknikkimullu/Avatangiisinullu imm. sanaartorfigissaanikkut akiligassatigut. Illuatu-ngaatigulli meeqqanut pilersuisunit akiitsut siumoortumik tunniunneqartartut ukiumut kingullermut piffissamut tassunga sanilliullugu 3,1 mio. koruuninik qaffariaateqarluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Allaffeqarfiup siunnersuutigissavaa, aningaasaqarnermut ataatsimiititaliap kommunalbestyrelsimut akuereqqullugu innersuussutigissagai,

aningaasaqarnikkut nalunaarusiaq kommunalbestyrelsimit akuerineqassasoq,

ataatsimiititaliat tamarmik piumaffiineqassasut, piffissaagallartillugu killissarititaasut iluini nuutsinissamik qinnuteqaatit tullerriaartassagaat, tassa 2012-imi missingersuutitigut malinnaanermut atatillugu kiisalu 2013-imut missingersuusiornissamut ukiunullu tulliuttunut missiliuusiornissamut.

Aalajangiineq

Innersuussutigineqartut akuersissutigineqarput.

Ilanngussat

1. Qeqqata Kommuniani oqimaaqatigiissitsineq + Akiitsut allattorsimaffiat

Imm. 05 Sanaartornermut naatsorsuutit pingasut, Sisimiut

Journalnr. 06.03.03

Tunuliaqutaq

Sisimiut Kommunerisimasaata ataani aallartinneqasimasut ”ingeniørinngorniat inissaannik sanaartorfigissaaneq” aamma ”Kulturikkut illorsuaq”-mut sanaartornermut suliassanut naammassineqartunut pingasuusunut sanaartornermut naatsorsuutinik suliaqartoqarnikuuvoq.

Maleruagassatigut tungavissaq

Sanaartugassatut suliassanut 1 mill. sinnerlugu nalilinnut sanaartornermut naatsorsuutinik suliaqartoqartartussaavoq. Sanaartornermut naatsorsuutit Teknikkimut Avatangiisinullu ataatsimiititaliami, Aningaasaqarnermut ataatsimiititaliami Kommunalbestyrelsimilu akuersissutigineqartussaapput.

Pissutsit atuuttut

Konto 72-66 Illu sullivik, Sarfannguit.

Sarfannguani Illu sullivimmi oqoqalersimanagera paasineqarmat, 2011-mi juunimi oqoqalersimanagerup kingorna iluarsartuussineq aallartinneqarpoq. Sanaartornerup ingerlanerani Illu B-872 nunaqarfimmi allaffittut illutullu sullivittut ilusilersorneqarpoq.

Aningaasaliissutaasunit 3,5 procentimik sippuisimaneq patsiseqarpoq, illu sulliviup misissorneqarnerani amigaateqartoq paasineqarmat. Inissiaq B-872 Illu sullivittut atorneqarallarnikoq imaarneqarnikuuvoq, atuisumullu allamut tunniunneqaqqilluni.

Illu sullivik B-1289 atoqqinneqalereernikuuvoq.

Konto 77-07 Ingeniørinngorniat ineqarfissaata sanaartorfigissarneqarnera.

2008-mi juunip 26-ani borgmesterip aalajangiineratigut ingeniørinngorniat inissaannut tapiisoqarnissaanik allakkatigut neriorsuuteqartoqarpoq. Ilinniartut inaannik 30-nik kommunip sanaartortitaanut (konto 70-52) atasunngorlugu ingeniørinngorniat ineqarfiannut aqqusinniisoqarpoq. Aqqusineq kuuffissuarlu naammassereerput atorneqalereerlutillu.

Konto 75-51 Kulturikkut illorsuaq

Ikiorteqarnerup ingerlanerani Betongilerisoq, sanasoq ruujorilerisorlu akiliisinnaajunnaarpoq.

Qularnaveeqqusiissutit atorlugit amigaatit sinneruttut suliarineqarput.

Sanaartornermik suliaq kinguaattoorpoq, sanaartornerullu sivisunera sanaartorfimmi ingerlatsinermut aningaasartuuteqarnerulerpoq akillu qaffallutik, taamaattumik missingersuutit sipporneqarput.

2008-mi februaarimi kulturikkut illorsuaq amigaateqarluni atorneqalerpoq, 2011-p naalernerani tikillugu piffissap ingerlanerani amigaatit iluarsartunneqarput.

Akinut qaffaatit entreprenørimum akilerneqarput, kisianni immikkuullarissunngorlugit nuunneqaratik, kisianni sulianut ataasiakkaanoortunngorlugit.

Aningaasaqarnikkut allaffissornikkullu kingunerisinnaasai

Sarfannguani illu sullivik 1.112.000,00 koruuninik aningaasaliiffigineqarsimavoq. Naatsorsuutit takutippaat 1.150.454,33 koruuninik atuisoqarsimasoq, tassalu 3,5 procentimik atuvallaartoqarsimalluni.



Ingeniørinngorniat ineqarfissaanut sanaartorfigissaanermut 1.360.000,00 koruuninik aningaasaliiffigineqarsimavoq. Naatsorsuutit takutippaat 1.388.501,92 koruuninik atuisoqarsimasoq, tassalu 2,1 procentimik atuivallaartoqarsimalluni.

Kulturikkut illorsuaq 33.316.000,00 koruuninik aningaasaliiffigineqarsimavoq. Naatsorsuutit takutippaat 34.666.365,30 koruuninik atuisoqarsimasoq, tassalu 4,0 procentimik atuivallaartoqarsimalluni.

Qullersaqarfiup oqaaseqaataa

Oqaaseqaatissaqanngilaq.

Allaffeqarfiup naliliinera

Sanaartornermut naatsorsuutit naapertuulluartausut nalilerneqarpoq.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap juunip 12-ani 2012-imi ataatsimiinnermini innersuussutigineqartoq akuersissutigivaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggstip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Teknikkimut Avatangiisinullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq, Sarfanguani Illu sullivimmu, Ingeniørinngorniat ineqarfissaanut sanaartorfigissaanermut Kulturikkullu illorsuarmut sanaartornermut naatsorsuutit akuersissutigineqassasut.

Aalajangiineq

Innersuussutigineqartoq akuersissutigineqarpoq.

Ilanngussaq

1. Konto 72-66 Illu sullivik, Sarfanguit sanaartornermut naatsorsuutit.
2. Konto 77-04 Ingeniørinngorniat ineqarfissaanut sanaartorfigissaanermut sanaartornermut naatsorsuutit
3. Konto 75-51 Kulturikkut illorsuarmut sanaartornermut naatsorsuutit.

Imm. 06 Kangerlussuarmi inissialiornissamut kommunimit sanaartortitassaq ataaseq

Journalnr.

Tunuliaqutaq

Inissiaatileqatigiiffik INI A/S-ip nalunaarutigivaa, ukioq manna Kangerlussuarmi Qeqqata Kommu- niata illu ikkussugassaq immikkut ataaseq pissarsiarisinnaagaa. Illuatungaatigulli Atammimmi illut ikkussugassat pissarsiarineqarnikuusut, 2013-imut kinguartittariaqarlutik, ilaatigut sanasunik ikkus- sussisussanik soqutiginnineq annikimmat.

Maleruagassatigut tunngavissaq

Aningaasaqarnermut ataatsimiititaliamit innersuussuteqartoqareerneratigut kommunini Kommunal- bestyrelsi aningaasaliissuteqarsinnaatitaavoq.

Kommunip illuliassanik sanaartortitassai 2011-mut Aningaasaqarnermut inatsit konto 89.72.12 ”Inissialiornermik pilersaarutit Taartissanillu inissialiortiterneq”-mi takuneqarsinnaavoq. Tassani takuneqarsinnaalluni kommunit ilaatigut kommunini illuliornermik sanaartortitsineq aqqutigalugu innuttaasut inissaqartitsinniarnissaannut peqataalluarsinnaasut.

2.

Pissutsit atuuttut

Kommunini illuliornermik sanaartortitsinissamik neqeroorutigineqartut angissutsit assigiinngit- suupput, type 3 75 m²-isut angissuseqartoq type 4-lu 105 m²-isut angissuseqartoq. Illuliassatut sanartugassat Namminersorlutik Oqartussanit tamakkiisumik akilerneqassapput, sanaartorneranilu akunnernut atorineqartunut tapiissuteqalaarluni, sanaartorneqarnissaanulli tunngasut kommunimit akisussaaffigineqassallutik. Type-t taakku marluusut sanaartorneqarnerani akigitinneqartut nikinga- vallaanngillat.

Sanaartugassat angisuut 105 m²-isut annertussuseqartut pisariitsuupput, taamaalillutik Kangerlus- suarmi inissaqarniarnermik pitsanngorsaanissamut atorineqarsinnaallutik.

Aningaasaqarnikkut allaffissornikkullu kingunerisinnaasai

Kommunimi illuliornermik sanaartortinneqarsinnaasut sanaartortinnissaanut aningaasartuutit Maniitsumi Teknikkimut Avatangiisinullu Immikkoortortap siusinnerusukku naatsorsornikuai, ataaseq 1,1 mio. koruunit nalilerlugu.

Allaffeqarfiup naliliinera

Allaffeqarfiup nalilerpaa, sanaartugassat annertuut pilersaarutaasut arlaqartut soorlu hangarinik nutarterineq, aallariartortarfiup/tikittarfiup illutaa nutaaq Kangerlussuarmilu kommunip Air Green- landillu pigisaanik illuliortiterneq naammassineqariarpata, Kangerlussuarmi sanaartornerup iluani kinguariaffiussasoq.

Allaffeqarfiup taamaattumik pingaartutut isigaa, Kangerlussuarmi kommunip sanaartortitsinissamik pilersaarutaanik aallartitsisoqarnissaa.



Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Aningaasaqarnermut ataatsimiititaliamut kommunalbestyrelsimullu akuereqqullugu innersuussutigineqassaaq,

Kangerlussuarmi kommunip illumik sanaartortitsinissaanut karsimiittuutiniit 1,1 mio. koruuninik aningaasaliisoqassasoq, 2012-imi 0,5 mio. koruuninut 2013-imilu 0,6 mio. koruuninut avinneqartussanik

Atammimmi illut ikkussuutassaraluit ukiumi ataatsimik kinguartinneqassasut

Aalajangiineq

Innersuussutigineqartut akuersissutigineqarput.

Ilanngussaq

Ilanngussaqanngilaq

**Imm. 07 Sisimiuni Ilaqutariinnermut Immikkoortortamut immikkut aningaasaliissuteqar-
toqarnissaanik qinnuteqaat**

Journalnr. 06.02.01

Tunuliaqutaq

Ilaqutariinnermut ataatsimiititaliap 2012-imi apriliip 18-iani ataatsimiinnerani aalajangerneqarpoq, missingersuutitigut sippuisoqartillugu immikkut aningaasaliissutissanik qinnuteqartoqartassasoq. Apriliip 18-iani aalajangiinnermut suliaq una malinnaatitsineruvoq.

Sisimiuni Ilaqutariinnermut ataatsimiititaliap akisussaaffiisa iluini 2012-imi apriliip 30-a tikillugu atuisimaneq naapertorlugu apriliip qaammataanut qaammammut nalunaarusiaq suliarineqarpoq. 2012-imi sippuilluni atuisoqarnissaa naatsorsuutigineqartoq nalunaarusiatigut takuneqarsinnaavoq, sippuillunilu atuinissamik naatsorsuuteqarnerup kingunerisaanik, kontoni assigiinngitsuni immikkut tapiissuteqartoqarnissaanik qinnuteqartoqartariaqarluni.

Tamanna tunuliaqutaralugu kontoqarfiit tamaasa Immikkoortortap misissorpai, 2012-imi apriliip 30-ani atuisimaneq kiisalu ukiup sinnerianut atuinissamik Ilaqutariinnermut Immikkoortortap naatsorsuutigisai aallaavigalugit Sisimiuni Ilaqutariinnermut Immikkoortortamut immikkut aningaasaliissuteqartoqarnissaanut siunnersuut matumuuna innersuussutigineqarpoq.

Maleruagassatigut tungavissat

Qeqqata Kommuniani karseqarnermut naatsorsuuserinnermullu malittarisassani immikkoortoq 3-mi 2.3-mi allassimavoq, Kommunalbestyrelsi aningaasaliissusaatitaasoq.

Pissutsit atuuttut

Immikkoortortaqqarfiit peqatigalugit Immikkoortortap kontoqarfiit misissorpai, tullinnguuttut agguataarlutik kontot arlallit sippuilluni atuiffiussasut paasineqarluni:

Sisimiuni Ilaqutariinnermut Immikkoortortaqq		Missinger	Naatsor. atuineq	Immikkut aningaasaliissutit
Konto	Kontop taaguutaa	(1000 kr)		(1000 kr)
40	Meeqperivimmi akiliunneqarluni inissiat	160	160	0
41	Meeqqanut ikiorsiiniutit	9.474	12.184	2.710
43	Siusinaartumk pensionit	5.577	7.377	1.800
44	Meeqqanut akilersuutit	192	192	0
45	Pisortanit ikiorsiissutit	6.690	10.190	3.500
46	Isumaginninnermi aningaasartuutit allat	433	433	0
47	Utoqqarnik isumaginninneq	25.404	26.904	1.500
48	Sisimiuni innarluutilinnut immikkoortortaqq	37.637	37.637	0
49	Isumaginninnermi aningaasartuutit allat	160	160	0
Sisimiuni Ilaqutariinnermut Immikkoortortaqq katillugit		85.727	95.237	9.510



Konto 41 Meeqqanut ikiorsiiniutit

Ulloq unnuarlu angerlarsimaffinnut inissinneqarsimasut ilanngullugit meeqqanut angerlarsimaffiup avataanut inissinneqartunut missingersuutit appasippallaamik missingersuusiorneqarsimapput. Namminersorlutik Oqartussat ulloq unnuarlu angerlarsimaffinnut sanilliullugit ulloq unnuarlu angerlarsimaffiit namminersortunit pigineqartut akisuneruvallaaqqimmata, ulloq unnuarlu angerlarsimaffinnut namminersortunut meeqqanik inissiisarnerit ikilisinneqarnissaat ilungersortumik suliniutigineqarpoq. Namminersorlutik Oqartussat ulloq unnuarlu angerlarsimaffinnut massakkut inisseqqasut arfineq-marluupput kiisalu ulloq unnuarlu angerlarsimaffinnut namminersortunit pigineqartunut inisseqqasut pingasuullutik. Taakkunungaannaq 2.7 mio. koruuninik sippuilluni atuisoqassaaq, tassungalununaqarfanni ilaqtariinnut inissiisarnerit aamma ilanngunneqartussaallutik. Meeqqanut inuusuttunullu tunngatillugu eqqugaasunut sulliseriaatsip pitsanngorsarneqartuarnissaa Immikkoortortap sulissutigaa, tamannalu matumani oqaluserisassani immikkoortumi allami sammineqarluni.

SISIMIUNI MEEQQANUT IKIORSIINIUTIT		Missingersuutit	Naatsorsuutigisamik atuinissaq	Immikkut aningaasaliissutit
Konto	Kontop taaguutaa	(1000 kr)		(1000 kr)
41-03-40-30-00	Sarfanguani inissigallarneq	5	10	5
41-05-10-42-00	Ulloq unnuarlu angerlarsimaffinnut akiligassat	2.540	2.785	245
41-07-10-42-00	Ulloq unnuarlu angerlarsimaffinnut namminersortunut akiligassat	0	2.460	2.460
SISIMIUNI MEEQQANUT IKIORSIINIUTIT KATILLUGIT		2.545	5.255	2.710

Konto 43 Siusinaartumik pensionit

Siusinaartumik pensionisiallit 2011-mi amerleriarnikuupput, ilimanarlunilu 2012-imi suli amerleriassasut. Siusinaartumik pensionisiaqalernissamik qinnuteqaatit, politikkikkut suliarineqarnissaat siunertaralugu suliarineqartut 50-iupput.

Tamanna ilaatigut Suliffissarsiuussisarfimmi piffissap ilaani sulisunik amigaateqarsimanermik, gruppinnullu 2-mut 3-mullu piginnaanngorsaasitsinissami inissanik pilersitsinissaq allaffissornikkut annertuumik suliniuteqarnissamik patsiseqarpoq.

Taamaattumik 2012 naatinnagu siusinaartumik pensionisiallit suli amerleriassasut naatsorsuutigineqassalluni.

Piginnaanngorsaasitsisarneq annerusumik eqqumaffigineqalernikuuvoq, siunissamilu peqqissillutik sulilersinnaalissasut patsisaallutik siusinaartumik pensionisiallit ikileriassasut naatsorsuutigineqassalluni.

SISIMIUNI SIUSINAARTUMIK PENSIONIT		Missingersuutit	Naatsorsuutigisamik atuinissaq	Immikkut aningaasaliissutit
Konto	Kontop taaguutaa	(1000 kr)		(1000 kr)
43-02-10-30-01	Tunngaviusumik akissarsiat / siusinaartumik pensionit	7.623	9.123	1.500
43-02-10-31-01	Meeqqanut tapit / siusinaartumik pensionit	374	554	180
43-02-10-31-02	Inummut tapeq	0	120	120
SISIMIUNI SIUSINAARTUMIK PENSIONIT KATILLUGIT		7.997	9.797	1.800

Konto 45 Pisortanit ikiorsiissutit

Suliffissaaleqineq patsisaalluni ilaqutariippaaluit ikiortariallit patsisaanerullutik Sisimiuni sippuilluni atuisoqarpoq.

Sisimiuni suliffissaaleqisut 2012-imi ukiup affaani siullermi 300-t missaannik amerlipput. Suliffissaaleqisut ukiuni kingullerni amerliartuinnarput. Suliffissaaleqisut 2009-mi 93-iupput, 2010-mi 124-upput, 2011-mi 258-iupput, 2012-llu ukiup affaani siullermi 318-iullutik. Tamatuma saniatigut uuliamut ineqarnermullu akiligassat annertuumik qaffaateqarput. Kommuninit allanit, nuunnerminni aamma suliffissaaleqisunik aamma nuttartoqarpoq. Nunaqarfinni aamma annertuumik suliffissaaleqipput, ikiorneqarnissaminillu pisariaqartitsillutik.

SISIMIUNI PISORTANIT IKIORSIISSUTIT		Missinger	Naatsorsuutigisamik atuinisaaq	Immikkut aningaasaliissutit
Konto	Kontop taaguutaa	(1000 kr)		(1000 kr)
45-01-10-31-31	Tassangaannartumik pisariaqartitsineq / kontanthjælp	3.260	5.260	2.000
45-01-10-31-32	Innaallagiaq	300	500	200
45-01-10-31-36	Ineqarnermut akiliutit	1.810	2.810	1.000
45-01-10-31-61	Ataasiartumik ikiorsiissutit	610	685	75
45-01-30-31-31	Tassangaannartumik pisariaqartitsineq KANGERLUSSUAQ	15	130	115
45-01-40-31-31	Tassangaannartumik pisariaqartitsineq SARFANGUIT	260	300	40
45-01-50-31-31	Tassangaannartumik pisariaqartitsineq ITILLEQ	150	220	70
SISIMIUNI PISORTANIT IKIORSIISSUTIT KATILLUGIT		6.405	9.905	3.500

Konto 47 Utoqqarnik isumagininneq

Sisimiuni pensionisiallit amerliartornerat patsisaalluni pensionisialinnut 300.000 koruuninik sippuilluni atuisoqarnissaa naatsorsuutigineqarpoq. Maniitsup Sisimiullu annertunerusumik suleqatigiinnerulernerisigut maannangaaq sipaaruteqartoqarsinnaangilaq.

Sisimiuni Peqqissaavimmi uninngasitsisarnermut 2012-imut 100.000 koruuninik missingersuusiorfigineqarsimavoq. Utoqqarpaaluit paaqqutarineqartussatut uninngatinneqarput, 2012-imilu ataatsimoortumik atuinisaaq 800.000 koruuniussangatinneqarluni.

Kangerlussuami pensionisialinnut missingersuutit appasippallaamik missingersuusiarineqarsimapput, 100 t.kr.-inillu immikkut aningaasaliissuteqartoqartariaqarluni.

Innarluutilinnik angallassisitsisarnermi aningaasartuutit annerunerat pillugu utoqqarnik isumagininnermi 400.000 koruuninik sippuilluni atuisoqarnissaa naatsorsuutigineqarpoq.

**Kommunalbestyrelsep aggstip 23-ani 2012-imi ileqquusumik ataatsimiinnerata 04/2012-ip
imaqarniliornera**

UTOQQARNIK ISUMAGINNINNEQ		Missinger	Naatsorsuutigisa- mik atuinissaq	Immikkut aningaasaliissutit
Konto	Kontop taaguutaa	(1000 kr)		(1000 kr)
47-01-10-30-01	Tunggaviusumik akissarsiat / Pensionit	33.648	33.948	300
47-20-10-42-00	Peqqinnissaqarfimmiitsineq	100	800	700
47-01-30-30-01	Tunggaviusumik akissarsiat / Pensionit KANGERLUSSUA	23	123	100
47-15-10-12-99	Tamalaat	321	721	400
SISIMIUNI UTOQQARNIK ISUMAGINNINNEQ KATILLUGIT		34.092	35.592	1.500

Aningaasaqarnikkut allaffissornikkullu kingunerisinnaasai

Ilaqutariinnermut Immikkoortortami immikkoortortaqarfiit suliffeqarfiillu 2012-imut missinger-suutaasa misissuataarneqarnerini, immikkoortut aningaasaliiffigineqartariaqartut missingersuutitigut iluarsiiffigineqartariaqartutut isigineqarput.

Qullersaqarfiup oqaaseqaatai

Qullersaqarfiup maluginiarpa, ataatsimoortumik saqqumiussaliami ilaqutariinnermut ataatsimiititaliap Sisimiuni susassaqqarfii tamakkerlugit suliarineqarsimasut, taakkulu akornanni ataasiinnar-milluunniit sipaaruteqarfiusinnaasumik nassaartoqarsimanngitsoq. Arlaatigut sipaarniutaasinnaasunik saqqummiussisoqanngimmat, suliat ataasiakkaani konto pingaarnert saqqumiussassatut suliarineqarsimasariaqaralarput. Suliami matumani kontoni 41, 43, 45 aamma 47-imi immikkut aningaasaliissuteqartoqarnikuvoq, tamaattumillu suliat ataasiakkaat sisamanngorlugit suliarineqarsimasiaqaralarlutik.

Konto 41-rup saqqummiunneqarnera eqqarsaatigalugu: Meeqqanut ikiorsiiniutit 2,7 mio. koruuninik immikkut aningaasaliissuteqarfiunissaat qinnuteqaataavoq, tamatumani aallaqqaasiussatut qullersaqarfiup oqaaseqaatigalugu, upernaq manna ilaqutariinni paaqqinninnermiit iliuusissanut nutaanut ilaqutariinnermut ataatsimiititaliaq Nanu-børn-imut nuussinikuusoq. Soorunalimi iliuseqarfissamiit nuutsisoqartariaqanngilaq kingusinnerukkut millioninik arlalinnik immikkut aningaasaliissuteqarfissatut qinnuteqarfiusumiit. Aningaasatigut taama aqutsineq nalinginnaasumik aningaasanik pitsaasumik aqutsinnermut akerliuvoq, pisariaqanngikkaluarlunilu. Taamatut pissuseqartarneq piaarnerpaamik unitsinneqartariaqarpoq.

Sisimiuni namminersorlutik oqartussat ulloq unnuarlu angerlarsimaffiutaannut aningaasartuutit kommunit kattunnerisa kingorna annertuumik qaffariaateqarsimapput. Tamatuma saniatigut piffisami pineqartumi ulloq unnuarlu angerlarsimaffinnut namminersortunit pigisanut taamatullu inuutissarsiutigalugu ilaqutariittut paaqqinnittartunut aningaasartuuteqartoqannginnera maluginiarneqarluni.



**Kommunalbestyrelsen 23-ani 2012-imi ileqquusumik ataatsimiinnerata 04/2012-ip
imaqarniliornera**



2012-imi qaammatit siullit pingasut qaangiunnerini aningaasaqarnikkut malinnaaffiginninnermut atatillugu, kommunalbestyrelsen ilaqutariinnermut ataatsimiititaliaq qinnuiginikuuaa, inissiisarnernut, tamakkuninnga malinnaaffiginninnermut angerlartitsinernullu atatillugu suliariaasissanik aningaasaqarnermut ataatsimiititaliamut kommunalbestyrelsillu tullianik ataatsimiinnissaanut saqqumiussaqaasasoq, tamatumani inissitaasimasunut atillugu iliuusissatut suliaasimasatigut takussutissamik ilallugit.

Ilaqutariinnermut ataatsimiititaliap kommunalbestyrelsen piumasarisaa naammassisimangilaa.

Qullersaqarfik naliiivoq, piaartumik immikkut ittumik iliuuseqartoqartariaqartoq, tassa Sisimiuni ilaqutariit inuutissarsitigalugu paarsisartut qanoq atugaanissaat eqqarsaatigalugu. Periarfissaq taanna Sisimiuni atugaangilaa. Aammattaaq nalorninarluni Sisimiuni ulloq unnuarluni angerlarsimaffiit aallartinniarnissaat aningaasaliissuteqartarnermi malittarisassat naapertorlugit ingerlatinneqarnersoq. Massakkumummi suli aningaasaliissuteqartoqarnissaa qinnuteqaataasimangilaa, taamatut iliuusissat pilersinnagit. Taamaattumik sulisunut pisinnaatitaaffiit eqqarsaatigalugit naapertuutinningsumik ingerlasoqarpoq, immikkoortortami malinneqassagunik.

Konto 43-rup saqqummiunneqarnera eqqarsaatigalugu: Siusinaartumik pensionit immikkut 1,8 mio. koruuninik aningaasaliiffiunikuusut pillugit qullersaqarfiup maluginiarpa, 2007-imiit 2009-p tungaanut ukiumut 2-300.000 koruuninik qaffattariarlutik, tamatuma kingorna ukiuni 2009-miit 2011-mut ukiumut 8-900.000 koruunit angullugit qaffariartalersimmata. Taamatut ineriartortitsineq piaarnerpaamik unitsittariaqarpoq. Tamatumunnga atatillugu pingaaruteqarluinnartuuvoq, siusinaartumik pensioninik akuersissuteqartoqartassanngimmat sulileqqisitsinissaq misilinneqarsimatinagu. Aammattaaq piffisat ilaanni suliffissaaleqinerup annertusiartornerani sulisussanillu amigaateqarnermi, periarfissaq atornaveersaartariaqarpoq, tassalu immaqqa arlaatigut sulisinnaagaluit pisortanit ikiorsiissutinik ataavartumik tuninissaat. Siusinaartumik pensionisiaqalersitsinissami sulisut pisinnaatitaaffi eqqarsaatigeqqittariaqarsorinarput.

Konto 47-rup saqqummiunneqarnera eqqarsaatigalugu: Utoqqarnik isumaginninnermi eqqarsaatigineqarsimasorinangilaq, kommunit utoqqalinersiatigut 90 procentinik utertitsisussannorsimanagerat. Taamatuttaaq napparsimavimmi paaqqtarinnitsitsinnermi missingersuutinit 100.000 koruuniusuniit 800.000 koruunit atorneqarsimanagerat qaffasippallaarsorinarluni. Suliamik saqqumiussinnermi ersersinneqangilaq, Maniitsumi paaqqtarinniffiup atorneqarnera misissuiffigineqarsimanagerat. Aggstip qeteqqunnerani 300.000 koruuniinnaat atorneqarsimammata, taamatut pisoqartillugu immikkut aningaasaliissuteqarnissaq tunuarsimaarfigineqartariaqarpoq. Konto 47-rup naggattaarlugu oqaatigisariaqarluni, innarluutilinnut angallassinertigut aningaasartuutit qaffariarsimanagerat. Innarluutilinnut aningaasartuutit konto 48-mut ikkunneqartussaapput, taamalu matumani kukkusooqarsimalluni. Ilaqutariinnermulli tunngasutigut aningaasartuutit qaffariarujussuanagerat eqqarsaatigalugu, sipaarutaasinnaasunik nassaariartoqartariaqarpoq. Periarfissatullu ukioq kingullertuulli taaneqarsinnaalluni, innarluutilinnut tunngasutigut sipaaruteqarnissaq, taamaalilluni tamatumani kommunip namminersorlutik oqartussaniit ataatsimoortumik tapiissutit pissarsiarisartagai kisimik atorneqartalerlutik. Tamatumuuna aamma Qeqqata Kommuniani innarluutilinnut tunngasutigut nalimmassaanerit anguneqassapput. Tamaattumik utoqqarnut isumaginninnerup tungaatigut immikkut ani-ngaasaliiffissatut siunnersuutit aningasaliiffigisariaqassanngillat. Akerlianik ilaqutariinnermut ataatsimiititaliap piaarnerpaamik saqqumiuttariaqarpaa, Sisimiuni kontomit 47-miit 48-miillu aningaasaliissutitigut nuutsinissaq. Taamatuttaaq kommunip paaqqtarisarialinnut inissiivigisinnasatigut pingasuusut tulleriaariffiusariaqalerput misissuiffigalugillu.

Ataatsimut isigaluni Sisimiuni ilaqutariinnermut tunngasutigut annertuumik sunniutilimillu aningaasaqarnikkut nakkutilliinnermi sukaterisoqartariaqalerpoq. Sulianik ingerlatsinikkut ajornannginnerpaarsiortumik ingerlatsisoqarpoq, tassalu siusinaartumik pensionitigut, taamatuttaarlu iliussissat nutaat assersuutigalugu ulloq unnuarlu angerlarsimaffiit inuinnarnit pigineqartut eqqarsaatigalugit kommunalbestyrelsimut saqqumiussassaraluit eqqarsaatigalugit. Sukannersumik aningaasaqarnikkut aqutsisoqannginnerata kinguneranik imaattoqalersimagunarpoq, pisortanit ikiorsiissutit ajornanngippallaamik tunniunneqartalersimasut. Ataatsimut katillugit 9,5 mio. koruuninik immikkut aningaasaliissuteqartoqarnissaanik qinnuteqaat ingasappallaarujussuaqaaq, kommunillu aningaasaqarnera ataatsimut isigalugu navianarsitillugu.

Allaffeqarfiup naliliinera

Immikkoortortaqaarfiit suliffeqarfyllu atuisimanermik misissuinerini naatsorsuutigisamik atuinissaq aallaavigalugu immikkut aningaasaliissuteqartoqarnissaanik allaffeqarfik siunnersuuteqarpoq. Missingersuutitigut atuinikkullu pitsaasumik ataavartumillu malinnaasoqarnissaa pillugu aqutsisut tungaannit aqutsisoqarnerullunilu malinnaasoqarnerulernikuuvoq. Taamatut aqutsineq 2012-imi naatsorsuutitut pitsaasumik kinguneqassasoq anguniarneqarpoq.

Ilaqutariinnermut ataatsimiititaliap suliamik suliaqarnera

Ilaqutariinnermut ataatsimiititaliap juunip 12-imi 2012-imi suliamik akuersaarpaa, tassalu aningaasaqarnermut ataatsimiititaliamut kommunalbestyrelsimullu tulliuttutut immikkut aningaasaliissuteqarnissamik qinnuteqartoqarnissaa

1. Meeqqanut ikiorsiiniutinut 2.710.000 koruunit.
2. Siusinaartumik pensioninut 1.800.000 koruunit.
3. Pisortanit ikiorsiissutitut 3.500.000 koruunit.
4. Utoqqarnik isumaginninnermut 1.500.000 koruunit.



Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Aningaasaqarnermut ataatsimiititaliamut kommunalbestyrelsimullu akuereqqullugu innersuussutigineqassaaq,

Tulliuttutut 2012-imut immikkut aningaasaliissuteqartoqassasoq:

1. Meeqqanut ikiorsiiniutinut 2.710.000 koruunit.
2. Siusinaartumik pensioninut 1.800.000 koruunit.
3. Pisortanit ikiorsiissutinut 3.500.000 koruunit.

ilaqutariinnermut ataatsimiititaliaq qinnuigineqassasoq, namminersortunit pigineqartuni angerlar-simaffiniittitsisarneq, kiisalu siusinaartumik pensioninik tunniussisarneq pisortanillu ikiorsiissutinik tunniussisarneq eqqarsaatigalugit sulisut pisinnaatitaaffiisa nalilersuiffiqeqqullugit.

Aalajangiineq

Innersuussutigineqartut akuersissutigineqarput.

Ilanngussaq

Ilanngussaqanngilaq

Imm. 08 Immikkut aningaasaliissutinik qinnuteqaat, konto 41 - Maniitsoq

Journalnr. 06.02.01

Tunuliaqutaq

Ilaqutariinnermut ataatsimiitsitaliap 2012-imi apriliip 18-iani ataatsimiinnerani aalajangerneqarpoq, qaammatinut pingasunut siullernut naatsorsuutit malillugit immikkut aningaasaliissutinik qinnuteqartoqassasoq.

Malitsigisaanik apiilip naaneranut atuisimaneq nalilersoqqinneqarpoq, tamannalu tunngavigalugu immikkut aningaasaliissutit pisariaqartinneqartut missilunneqartut annikinnerupput.

Ilangussami tamanna takuneqarsinnaavoq. Ilutigalugu erseqqissaatigineqassaaq, ukiup sineranut atugassatut missiliussineq maannamut suli nalorninangaatsiarmat.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.

Ilaqutariinnermut ataatsimiititaliap akisussaaffiitut maleruagassat atuuttut.

Pissutsit atuuttut

Konto 41 pillugu pingaarnertut maluginiagassat:

Meeqqanik inuusuttuaqqanillu inissisarneq eqqarsaatigalugu ingerlanerluffiuvoq. 2011-mi inissiinerit 35-it missaaniissimapput. Martsip 31-ia tikillugu inissiinerit katillugit 31-ullutik, taakkunani 21-it ilaqutariinnut inissineqarsimallutik, tallimat Namminersorlutik Oqartussat ulloq unnuarlu inissiisarfiutaannut, kiisalu tallimat ulloq unnuarlu angerlarsimafinnut namminersortunit pigineqartunut.

Ulloq unuarlu inissiisarfinnut namminersortunit pigineqartunut inissiisarnerit isiginiarneqarput. Meeqqanut inuusuttuaqqanullu isumaginnittussaataaeranut eqqarsaatigalugu, angerlartitsiar-tuaartarneq kiisalu pinartoqartillugu ikiorsiiniuteqartarneq allatut iliuuseqarfiginiarneqarsimavoq. Tassani Ilaqutariinnut Inerisaavimmi sulisut aallaavigalugit, ilaatigut tassunga attuumassuteqarsinnaasut, tapersersortit akunnermusiallilluunniit sivisunngikkaluamik tapertaliullugit, periutsinik ineriartortitsineq ingerlanneqarluni. Taamatut iliuuseqarneq akisusinnaavoq, kisiannili ulloq unnuarlu inissiisarfinnut namminersortunit pigineqartunut inissimatitsisarneq assut sivisusinnaasarpoq, taamaattorli kingunerisinnaasaanik ersarissumik takussutissaqassanani, taamaallaalli inuusuttuaqqamik inissiineq, inuusuttuaqqamut nunaqqataasunullu illersuiniaannertut taaneqarsinnaalluni.

2011-imi immikkut aningaasaliissutit Ilaqutariinnut Inerisaavimmut tunngasuupput. Namminersor-lutilli Oqartussanit tapiissuteqaqqinneratigut atuinerunissaagaluaq pinngitsoortinneqarsimavoq. Namminersornerullutik Oqartussat 2012-imi tapiissuteqaqqissinnaanerata nalorninarpoq. Tamannali anguneqassappat missingersuusiaareersut eqqortinneqarnissaat naatsorsuutigineqarsinnaavoq. Ilaqutariinnut Inerisaavimmut Kommunip ataaniittumut kiffartuusiniikkut nalimmassaanissamik siunnersuut politikikkut aalajangigaanngilaq, tamaattumillu 2012-imi kiffartuusiniikkut aamma nalimmassasoqannginnissaa tusaatissatut tiguneqarpoq.

Ataatsimut oqaatigalugu, 2012-imi aamma immikkut aningaasaliissutinik pisariaqartitsiviusussaas-saaq. Taamaattumik maannakkut ilisimariikkat tunngavigalugit immikkut aningaasaliissutinik 2,5 mio. koruuninik qinnuteqartoqarpoq



**Kommunalbestyrelsen 23-ani 2012-imi ileqquusumik ataatsimiinnerata 04/2012-ip
imaqarniliornera**

Aningaasaqarnikkut allaffissornikkullu kingunerisinnaasai


Immikkut aningaasaliisutit katillugit 2,5 mio. koruuniusut qinnutigineqarput.

Taassuma saniatigut missingersuutit nuussunissaq qinnutigineqarpoq, tammaasilluni kontot ataani missingersuutit pisariaqartitatut naatsorsuutigineqartut nalimmassinnaassammata.

Agguataarneqarneri ilanngussami takuneqarsinnaapput.

Qullersaqarfiup oqaaseqaatai

Maniitsumi ulloq unnuarlu angerlarsimaffinnut inuinnarnik pigineqartunut aningaasartuutit ukiuni kingullerni arfineq-pingasuni, minnerunngitsumillu ukiuni kingullerni tallimani qaffariarujussuar-simapput. Tamatumani saniatigut maluginiarneqarpoq, piffissami pineqartumi inuutissarsiuutigalugu angajoqqaarsiaqartitsinikkut aningaasartuutit annertuumik appariaateqarsimasut, ukiunilu kingullerni marlussunni atuiffiusimanatik.



2012-imi qaammatit siulliit pingasut qaangiunnerini aningaasaqarnikkut malinaaffiginninnermut atatillugu, kommunalbestyrelsen ilaqutariinnermut ataatsimiititaliaq qinnuiginikuuaa, inissiisarnernut, tamakkuninnga malinaaffiginninnermut angerlartitsinernullu atatillugu suliarisassanik aningaasaqarnernut ataatsimiititaliamut kommunalbestyrelsillu tullianik ataatsimiinnissaanut saqqumiussaqaassasoq, tamatumani inissitaasimasunut attillugu iliuusissatut suliaasimasatigut takussutissamik ilallugit.

Ilaqutariinnermut ataatsimiititaliap kommunalbestyrelsen piumasarisaa naammassisimangilaa.

Qullersaqarfik naliliivoq, piaartumik immikkut ittumik iliuuseqartoqartariaqartoq, tassa Maniitsumi ilaqutariit inuutissarsiuutigalugu paarsisartut qanoq atugaanissaat eqqarsaatigalugu. Periarfissaq taanna periarfissatsialattut isigineqarpoq, tassa Maniitsumi ulloq unnuarlu angerlarsimaffiup inuinnarnik pigineqartup matuneranut atatillugu. Taamaattumik Maniitsumi akissarsiuutigalugu angajoqqaarsiaqissunik peqassagaluarpog.



Allaffeqarfiup naliliinera

Missingersutinut malittarinninnermi nalinginnaasut makku maluginiarneqassapput:

Ukiup sineranut atugassatut naatsorsuutigineqartut, maannamut atukkat nalunaarsorneqartut aallaavigalugit naliliiffigineqarsinnaanngillat. Immikkoortortat ilaani pisoqarfiit naapertorlugit atuiffiusarput. Imaluunniit akiligassat siumoortumik kingumoortumilluunniit akiligaasinnaasarlutik. Pisiffigisanit akiligassat kingusinaartumik aamma nassiunneqarsimasinnaasarput. Taamaattumik ukiumut atugassatut missingersuinnermi, ingerlatsiviit ataasiakkaat ilisimasaqarfiginissaat aamma pingaaruteqarpoq.

2011-imi Kommuniniit innarluutilinnut tunngasut tiguneqarnerisigut, aningaasaliinnaanermut pisinnaatitaaffik, kiisalu aningaasaqarnermut akisussaaffik nalorninartorsiorfiungaatsiaqqaarsimavoq.

”Illoqarfimmi innaluutilinnut isumaginninnermi” (immikkoortumi aqunneqarsinnaasumi) aqutsinnermut sakkut atorineqartut, missingersuusaaersunut Taamaattorli 2 mio. koruunit miss. atuinikinnerusoqarsimalluni, taakkulu 2012-imit nuutinneqarnissaat Ilaqtariinnermut ataatsimiitsitaliamit kissaatigineqarsimalluni.

Imaassimavortaaq, Kalaallit Nunaanni kiisalu Qallunaat Nunaanni inissiisarnermi, Kommunit ataatsimut aningaasartuutigisartagaat immikkut tapiissutinit (bloktilskud) tunniunneqartuniit annikinnerusimasut. Aningaasartuutit taakku aqunneqarsinnaanngitsuupput. Suliassanik nutaanik takkuttoqarsinnaasarpoq, maannamulluunniit suliat unissinnaasarlutik. Sulianut ingerlasuni aningaasartuutitut tunngasut aamma allanguuteqarsinnaasarput. Taamaattumik sinneqartoortuutaasinnaasut sumiiffinnut allanut atorniarneqalernissaat mersernartoqarsinnaavoq. Maannamut ilisimariikkat aallaavigalugit, Kalaallit Nunaanni kiisalu Qallunaat Nunaanni innarluutilinnut ulloq unnuarlu angerlarsimaffinnut inissiisarnermut tunngasuni, 2012 –imi inissiisarnerup atuinikinneruffiusinnaanera aamma naatsorsuutigineqarpoq.

Ilaqtariinnermut ataatsimiititaliap suliamik suliagarnera

Ilaqtariinnermut ataatsimiititaliap juunip 12-ini 2012-imi ataatsimiinnermini aningaasaqarnermut ataatsimiititaliamut kommunalbestyrelsimullu qinnuteqarnissaq akuersissutigivaa, tassalu ilanngaatissat ilanngaatigereerlugit ilanngussatut naatsorsuineq naapertorlugu konto 41-imi immikkut 2,5 mio. koruuninik aningaasaliisoqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggstip 14-ani 2012-imi ataatsimiinnermini innersuussutigineqartoq akuersissutigivaa.



Innersuussut

Aningaasaqarnermut ataatsimiititaliamut kommunalbestyrelsimullu akuereqqullugu innersuussutigineqassaaq,

Maniitsumi ulloq unnuarlu paaqutarinnititsinernut 2012-imi immikkut 2,5 mio. koruuninik aningaasaliisoqassasoq

Ilaqutariinnermut ataatsimiititaliaq piaarnerpaamik qinnuigineqassaaq, inissiisarnernut, tamakku-ningga malinnaaffiginninnermut angerlartitsinernullu atatillugu suliariaasissanik aningaasaqarnermut ataatsimiititaliamut kommunalbestyrelsimullu saqqummiussaqaassasoq, tamatumani inissitaasimasanut attillugu iliuusissatut suliaasimasatigut takussutissiamik ilallugit.

Ilaqutariinnermut ataatsimiititaliaq qinnuigineqassasoq, ulloq unnuarlu angerlarsimaffinnut inuinarnik pigineqartunut taarsiullugu inuutissarsiutigalugu angajoqqaarsiaqartitsisinnaaneq misissuiffigissagaa

Aalajangiineq

Innersuussutigineqartut akuersissutigineqarput.

Ilanngussaq

1. Missingersuutit allattorsimaffiat, atugassatut naatsorsuutigineqartut, kiisalu +/- immikkut aningaasaliissutit.

Imm. 09 Immikkut aningaasaliissutinik qinnuteqaat, konto 47 - Maniitsoq

Journalnr. 06.02.01

Tunuliaqutaq

Ilaqutariinnermut ataatsimiitsitaliap 2012-imi apriliip 18-iani ataatsimiinnermi aalajangerneqarpoq, qaammatinut pingasunut siullernut naatsorsuutit malillugit immikkut aningaasaliissutinik qinnuteqartoqassasoq.

Malitsigisaanik apiilip naaneranut atuisimaneq nalilersoqqinneqarpoq, tamannalu tunngavigalugu immikkut aningaasaliissutit pisariaqartinneqartut missilunneqartut annikinnerupput.

Ilanngussami tamanna takuneqarsinnaavoq. Ilutigalugu erseqqissaatigineqassaaq, ukiup sineranut atugassatut missiliussineq maannamut suli nalorninangaatsiarmat.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.

Ilaqutariinnermut ataatsimiititaliap akisussaaffiitut maleruagassat atuuttut.

Pissutsit atuuttut

Konto 47-p iluani, Maniitsumi utoqqarnut angerlarsimaffimmut tunngasuni, immikkut aningaasaliissutinik pisariaqartitsineq killeqarsinnaanera missingiunneqarpoq.

2010-ip qiteqqunneranili, utoqqarnut angerlarsimaffimmi Maniitsumiittumi annertuumik toraagaqartumillu pissutsinik pitsanngorsaanermik suliniuteqartoqarpoq. Ilaatigut tassaallutik napparsimalluni sulinnigffeartarnerup appartinniarnera, akunnermusialinnik paarlaasoqartarnerup appartinniarnera, paqqinninnermi sullissisut pisinnaassaasa pitsanngorsaaviginiarnerat, kajungersaarineq sulisunillu ilinniarsimasunik aalajangiusimannineq, kiisalu ineqartut qanigisallu isumalioqatigiisitaanik pilersitsitsiniarnermi suleqatigiinnerup pitsanngorsaaneq il.il.

Ataatsimut suliassanik isumaginninnermut suliniutit pitsaalluartumik kinguneqartitsisimapput, akulikinnigitsumillu sunit tamaniit pitsaasumik oqaaseqarfigineqartarluni, aammalumi qanimut suleqatigisaniit, soorlu peqqinnissaqarfimmiit.

2011-ip naajartornerani, kiisalu 2012-ip aallartinnerani suliniuterpassuit tamakku ulluinnarni sumiginnagaanartaqanngitsumik, paqqinninnerup tungaatigut sulisoqarnikkut toqqaannartumik sipaarniarnermut aamma tunngaviliisuupput.

Ilimanarpoq sipaarniarfiusuni akissarsiaqartitsinerup tungaatigut sipaarniuteqalereerneck ilutigalugu (akunnermusialinnik ikilisaanerit, peqqissaasunut aammalu tagiartuisunut atorfiit inuttalerneqanngitsut) akissarsiaqartitsinermut atuinerup naleqquttumik annikillisissinnaanerat.

2008-mi Ikaarsaariarnermut ataatsimiitsitaliamit aalajangiunneqarpoq, 2010-mut missingersuusior-nissamat atugassanik, utoqqaarnut, - plejehjemminullu tunngatillugu atugassanik agguaasarnermut iliusissamik suliaqartoqassasoq. Taamatut atugassatigut agguariaatsip ilusilersorneratigut, atugasatigut assigiaamik agguaasarnermik kinguneqartitsisussaavoq, taamaasillunilu kommunalbestyrelsip kiffartuussinikkut qaffasuissusissaanik aalajangeriikkanik assigiinnmik tunniussisarnermik kinguneqartitsisussaalluni. Taamaattorli iliusissamik taamatut ittumik siunnersuummik suliaqartoqanngilaq.



Nalinginnaasumik 2010-imi aamma 2011-imi kommunimi plejehjemmit tunngasutigut misissu-eqqissaarneq ingerlanneqartarpoq. Maannamut nutaamik atugassatigut agguasarnerup ilusilersor-nissaanut politikikkut aalajangiinissamut tunngavissaqanngimmat, tamanna tusaatissatut tiguin-nartariaqarparput.

Plejehjemmip nutaap atuleqqaarneranit akissarsiaqartitsinermut tunngasuni sulisoqarnikkut aggua-taarineq pitsanngoriaateqalernikuvoq. Taamanikkut Komunalbestyrelsip naatsorsuutigisimasaatut, sulisunik aalajangersimasunik pissarsiniarnissaq ajornakusoorsimavoq. Taamaattorli piffiup inger-lanerini sulisoqarnerup katitigaanerata oqimaaqatigiinnera pitsanngoriartulersimalluni. Suliat pitsaassusiata isumannaatsuunissaat qulakkeerneqassappat, ilinniagaqarluarsimasunik aalajangersi-masunik sulisoqartariaqarpoq. Ataatsimut isigalugu 2012-mi akissarsiaqartitsinermut atuinerunis-samik naatsortsuutigineqaraluartut 1,0 mio.-koruuninik annikilisinneqarput. Eqqarasstigineqartaria-qarporli, taamatut annertuumik sukaterinerit inuttalersuinerillu, najugaqartut katitigaanerannut allannortitsinerup paaqqinneqarnissamik pisariaqartitsinerup annertusiartortumut mianernarsin-naanera.

Akissarsiaqartitsinerup saniatigut, ukioq 2012 aningaasartuuteqarfiusunut allanut immikkut atuif-fittut taaneqarsinnaavoq. komunip iluani, kiisalu kommunit allani nioqqutissanut/nerisaqartitsinermut tunngasutigut pisinermi missingersuutininik paasissutissanik katersisoqarsimalluni. Taakku ataani qanimut nassuarneqarput.

Paaqqinneqarnermut tunngatillu, peqqinnissaqarfimit maannamut suli aningaasartuuteqartoqanngilaq.

2011-mut sanilliullugu immikkut aningaasaliissutinik pisariaqartitsinerup annikinnerungaatsiarnissaa missingiunneqarpoq. Taamaattorli kommunip utoqqarnut angerlarsimaffita ingerlanneqarneranut tunngavigineqartut, kiisalu missingersuutitigut tunngaviusut nikingavallaarnerannik politikikkut eqqartorneqartut, 2013-mut missingersuutitigut siunnersuutigineqartut sammineqarnissaani eqqar-torneqaqqittariaqarpoq.

2011-mi ataatsimut atuisimanermit natsorsuutit takutippaat, 3.166 mio.- koruuninik naatsorsuuti-gissamiit atuinerusoqarsiamsoq. Tassungali pissutaavoq innarluutilinnut tunngasuniit il.il. isertitat misingersuusiasuniit 0,350 mio. koruuninik annikinnerusimanerat.

Maannamut pisut malillugit - 2012-mi isertitassat missingersuusiasunut nalimmanniissaat naatsor-suutigineqarpoq. Naatsorsuutigineqarpoq immikkut aningaasaliissutit ataatsimut pisariaqartinne-qartut 1,7 mio.- koruuniunissaat. Akissarsiaqartitsinerup saniatigut missingersuusiasaareersunut saanilliullugu 0,7 mio.- koruuninik pisariaqartitsinermit pisutaaneruvoq, maannamut atukkat innaallagissamut, pisiniarnermut kiisalu nerisaqartitsinermit (nerisassat) aningaasartuutit. Aningaa-sartuuteqarfiusut taakku killeqartumik siammarneqarsinnaapput.

Innaallagiasq pillugu:

2011-mi atuinermut naatsorssutit takutippaat, missingersuusianut naleqqiullugu, 0,6 mio.- koruunit missarluinnaani atuinerusoqarsimasoq. Tamassuma paasinarsereerpaa, 2012-mi aammaarluni atuinerunissaq naatsorsuutigisariaqartoq.

2011-mi innaallagiasamut atuneq eqqumaffiginiarneqalerpoq, tassanilu atuinerup appartinneqarnis-saanut iliuusissamik pilersarusiortoqalerluni. Pilersaarummi ilaatigut pineqarpoq, armaturit nutaanik sipaarniutitalinnik taarsorneqarnissaat. Naak 2011-miit 2012-mut innaallagissap akia qaffak-kaluartoq, 2011-miit ataatsimut aningaasartuutip apparriataarsinnaanera ilimagineqarsinnaavoq. Taamaattumik immikkut aningaasaliissutinik 150.000 koruuninik taamaallaat qinnuteqartoqarpoq.



Nerisaqartitsineq pillugu:

Nerisaqartitsinermut aningaasartuutit eqqarsaatigalugit, Sisimiuni kiisalu plejehjemmit allaniit paasissutisanik pissarinikuuvugut. Tassani ukiumortumik aningaasartuut 2011-mi 31.000 koruuni-jusimasoq – plejehjemmimi najugaqartumut ataatsimut 32.000 koruunit.

2012-mut missingersuutini najugaqartumut ataatsimut 21.250 koruunit miss. atugassatut naatsorsuutigineqarmat, tunngaviatigut 450.000 koruunit missaanni pisariaqartitsinissaq naatsorsuutigineqartariaqarpoq. 2011-mi naatsorsuutit malillugit, 393.000 koruunit miss. atugassanik pisariaqartitsiffiusimavoq. Taamaattumik immikkut aningaasaliissutinik 400.000 koruunit qinnuteqaatigineqarput. Kalaallit nerisassaataat qallunaat nerisassaataannit akisunerusinnaamata, siunissami kalaallit nerisassaataannik atuinerusoaqalissappat, tassani aningaasartuutit anertunerulertussaannerat maluginiarneqartariaqarpoq.

Pisiniartarneq pillugu:

Tassani aningaasartuutit, ilaatigut nangernut kiisalu aningaasartuutitut allanut ataavartunut, anertunerusumillu allanngortinniarneqarsinnaanngitsunut tunngapput. 2011-mi naatsorsuutit takutippaat, tassani 156.000 koruuninik miss. pisariaqartitsiffiusimasoq. 2012-mi assingusumik pisariaqartitsisoqarnissaa naatsorsuutigineqartariaqassaaq, taamaattumik immikkut aningaasaliissutit 150.000 koruuninik aningaasartaqartut qinnutigineqarput.

Aningaasaqarnemut allaffissornikkullu kingunerisinnaasat

Ilanngussani ilanngunneqartut, missingersuutinik nuussinissamik aamma imaqartut naapertorlugit, ilanngaattissat ilanngaatigereerlugit immikkut aningaasaliissutit katilugit 1,7 mio. koruuniusut qinnutigineqarput, tamaasilluni kontot ataaniittut pisariaqartitatut naatsorsuutigineqartunut naapertuutilissagaluarmata.

Ilanngussami agguataarneri takuneqarsinnaapput.

Qullersaqarfiup oqaaseqaatai

Maniitsumi paaqutarinnittarfik 2010-mi 2,7 mio. koruuninik atuivallaarsimavoq, 2011-milu 3,2 mio. koruuninik missingersuutaqqaartunut sanilliullugu atuivallaarsimallunittaaq. Taamaattumik 2012-imut 1,7 mio. koruuniinnarnik immikkut aningaasaliissuteqarnissamik qinnuteqartoqarnera iluallassimavoq.

Tamatumuunali ilaqutariinnermut ataatsimiititaliap atuinerit missingersuutaasunut naapertuuttunngornissat eqqarsaatigalugu qanoq iliuusissanik siunnersuummik saqqummiussinissaa allanngortitartariaqanngilaq. Tamatumunnga atatillugu eqqaasitsissutigineqassaaq, Maniitsumi paaqutarinnittarfik nutaajusoq, inuttussuserlu eqqarsaatigalugu Sisimiunut sanilliullugu paaqutarinninnermi inissanik amerlanernik pigisaqarmat.

Taamaattumik Maniitsumi paaqutarinninnermi inissat pigineqartut utoqqarnut, innarluutilinnulunnit Danmark-imiit utertitassanut inissiannngortissinnaanissaat imaluunniit kommunip iluani utoqqarnut paaqutarisarineqarnissamik pisariaqartitsisunut inigitarnissaat misissortariaqarpoq.

Maniitsumi paaqutarisarialinnut ineqarfiup akiatunginnguani utoqqarnut inissiat naammassisarnerinut atatillugu, taanna periarfissatigut anertunerusumik eqqarsaatissiissuvoq. Matuma siuliini iliuusissat eqqaaneqartut eqqarsaatigalugit qanoq akeqarnissaannut allaffissornermullu tunngasortai piaartumik suliaq saqqummiuttariaqaralarpoq.



Immikkut aningaasaliinissamut tunngasoq manna eqqarsaatigalugu, piffissap iluani innaallagissap akiata qaffakkiartorneranut atatillugu immikkut 63.000 koruuninik aningaasaaliinissaq aamma suliarineqarsimavoq, taamaattumillu immikkut 1,7 mio. koruuninik aningaasaliinissamik qinnuteqaat eqqarsaatigalugu 63.000 koruuninik appartinneqartariaqaraluarluni.

Ilaqutariinnermut ataatsimiititaliap suliamik suliaqarnera

Ilaqutariinnermut ataatsimiititaliap juunip 12-imi 2012-imi ataatsimiinnermini aningaasaqarnermut ataatsimiititaliamut kommunalbestyrelsimullu qinnuteqarnissaq akuersissutigivaa, tassalu ilanngaa-tissat ilanngaatigereerlugit ilanngussatut naatsorsuineq naapertorlugu konto 47-imi immikkut 1,7 mio. koruuninik aningaasaliisoqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 14-ani 2012-imi ataatsimiinnermini innersuussutigi-neqartoq akuersissutigivaa.

Innersuussut

Aningaasaqarnermut ataatsimiititaliamut kommunalbestyrelsimullu akuereqqullugu innersuussuti-gineqassaaq,

Maniitsumi paaqqutarinnittarfimmud 2012-imi immikkut 1.637.000 koruuninik aningaasaliisoqassa-**soq**

Ilaqutariinnermut ataatsimiititaliaq septembarimi ataatsimiinnissamut aningaasaqarnermut ataatsi-miititaliamut kommunalbestyrelsimullu Maniitsumi paaqqutarinnittarfik eqqarsaatigalugu allan-
ngortiterisoqarsinnaanera allatullu atuisinnaaneq pillugit saqqummiussiss**asoq**

Aalajangiineq

Innersuussutigineqartut akuersissutigineqarput.

Ilanngussaq

1. Missingersuutit allattorsimaffiat, atugassatut naatsorsuutigisat, kiisalu immikkut aningaasaliissutit +/-usut.



Imm. 10 Qeqqata Kommuniani attaveqarnissami periusissap akuersissutigineqarnera

Journalnr. 12.01.00

Tunuliaqutaq

Kommunalbestyrelsi apriliip 26-ni ataatsimiinnerani, kommunimi attaveqarnissami periusissap suliarineqarnera pillugu paasissutissinneqarpoq.

Innuttaasunut paasissutissiisarneq sapinngisamik pitsaanerpaaffimmiinneqarnissaanik allaffeqarfiup tungaanit kissaateqarneq aallaavigalugu attaveqarnissami periusissap suliarineqarpoq. Qeqqata Kommuniani avammut qanoq attaveqarnissatsinnut malittarisassank iliuusissap imaqarpoq.

Kommunimi attaveqarnerit qanoq ingerlanneqarnissaanut ilitsersuutit arfineq-pingasut tapiliussatut suliarineqarput. Sulisut ulluinnarni, illup iluani avataanullu, attaveqartarnerinut ilitsersuutit sakkus-saapput, taamaalillutik kommunip ataatsimut attaveqarnissaa annertusarneqassalluni.

Pissutsit atuuttut

Ulluinnarni attaveqarnissami ilitsersuutit Maniitsumi Sisimiunilu sulisunut juunimi saqqummiunneqarput, tassani ilitsersuutitut ilassuteqarnissamut periarfissaqarluni. Illup iluani avataanullu sulisut ulluinnarni attaveqarnissami pisariaqartitsinerinut ilitsersuutit naapertuunnissaat anguniarlugu, taamatut iliuuseqartoqarpoq.

Ilitsersuutit inaarutaasumik ilusilersorneqareerput.

Pisortaqatigiit 2012-imi aggustip aallaqqaataani ataatsimiinnerminni attaveqarnissami periusissap kiisalu ilitsersuutit arfineq-pingasut akuersissutigaa.

Qullersaqarfiup oqaaseqaataa

Qullersaqarfiup maluginiarpaa, kommunimit annertuumik paasissutissiisarnissap pingaaruteqartoq, paasissutissiisarnissallu annertusineqarnissaa pingaartinneqassasoq. Attaveqarnissami periusissap akuersissutigineqarneratigitu pingaassusaanik erseqqissarneqassaaq.

Allaffeqarfiup naliliinera

Allaffeqarfiup nalilerpaa, oqaloqatigiinnissamik ataatsimoornissamillu kommunip pingaartitai, attaveqarnissami periusissap, minnerunngitsumillu pitsaasumik attaveqarnissami ilitsersuutit atorneratigit tunngavissinneqarlutillu assersuusiorneqartut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Aningaasaqarnermut ataatsimiititaliamut kommunalbestyrelsimullu innersuussutigineqassaaq, Qeqqata Kommuniani attaveqarnissami periusissap ilitsersuutillu akuersissutigineqassasut.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani attaveqarnissami periusissap
2. Ilitsersuutit



Imm. 11 Immikkoortuni immikkut toqqakkani takornariaqarnermik suliffeqarfiuteqarsinnaanermut akuersissuteqartarneq pillugu Inatsisartut inatsisaannut nr. xx., xx-mi 2012-imeersumut tusarniutaasumut akissuteqaat

Journalnr. 73.15

Tunuliaqutaq

Immikkoortuni immikkut toqqakkani takornariaqarnermik suliffiuteqarsinnaanermut akuersissuteqartarneq pillugu Inuutissarsiordermut Suliffeqarnermullu Naalakkersuisoqarfik Inatsisissatut siunnersuummik suliaqarnikuvoq, 2012-imi septembarip 3-ani killilerlugu tusarniutigineqartumik.

Namminersorlutik inuutissarsiuuteqartunut atugassarititaasut pitsanngorsarniarlugit tamaviaaruteqarnermut ilanngullugu, takornariaqarnikkut inuutissarsiuuteqarnikkut aningaasaliissuteqartoqarnissaani kisermaassisutut akuersissuteqartarnissaata atuutsilersinneqarnissaanik periarfissiisoqarnissaa ukiuni arlalinni Qeqqata Kommuniata misilissimagaluarpa.

Akuersissuteqartarnermi inatsisiliorneq nunap immikkoortuisa ineriartortinnissaannut periusissani ilanngunneqarnikuvoq, tassa Qeqqata Kommuniani pingaartillugit pilersarusiami, massakkullu tamanna aqqittutut isikkoqarluni.

Maleruagassatigut tunngavissaq

Immikkut toqqakkani takornariaqarnermik suliffeqarfiuteqarsinnaanermullu akuersissuteqartarnisamik inatsisissatut siunnersuut sumiiffiit assiginngitsut pineqarput, inatsisiliorneqarnikkullu nutaaliornerrulluni, tassa siusinnerusukkut akiliuteqarluni eqalunniarsinnaanermut taamaallaat inatsiseqarfiugaluanis, taannalu naapertorlugu akuersissutissat siulliit saqqummingajalerput.

Inatsisip nutaap inatsinut toqqammavioereersunut tapertaassaaq, tassa nunaannarmi sammisat eqqarsaatigalugit, soorlu:

- Pilersarusiorneq aamma nunaminertat atorqartarnerat pillugit Inatsisartut inatsisissaat nr. 17, 17. november 2010-imeersoq
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Nunaannarmi qamutinik motoorilinnik atuisinnaanermik nalunaarusiaq, 2012-ip ukiaani akuersissutaanissaa naatsorsuutigineqarpoq.

Pissutsit atuuttut

Inatsisikkut sumiiffinni takornariartitsisinnaanermut akuersissuummik/kisermaassisinnaanermik tunniussisinnaaneq aqqutissiuunneqarpoq, taamaalillunilu takornariaqarnermik sullissisut sanaartukkatigut atortussatigut aningaasaliinerminni nalikilliliisinnissaat aqqutissiuunneqarluni.

Inatsimmi sullissisunit, kommuninit Naalakkersuisunilluunniit kisaatigigaanni sammineqarsinnaasutut akuersissuteqarfiusinnaasut amerlasoorujussuupput. Takornariaqarnermut atatillugu ineriartortitsinikkut qularnaatsumik aningaasaliisinnanerit inatsisip siunertarivaa.



Kisermaassisinnaanermillu akuersissuteqarnikkut suliffeqarfimmit akuersissutaasut iluanni sammineqarsinnaasut kisimik pineqassammata eqqumaffigissallugu pingaaruteqarpoq, aammalu nalinginnaasumik angallannerit inuinnaallu assersuutigalugu sunngiffimmini sammisaqarsinnaaneri akornusersorniarneqanngillat. Immikkut akuersissuteqartarnissakkut sumiiffinni suliffeqarfiit allat sammisat assinginik sammisaqarsinnaanerat pinaveersaartinneqarpoq. Inatsillu imatut oqaasertaliugaalluni, allaffissornikkut isumagisassa Naalakkersuisut susassaqarfigigaat.

Akuersissutissatigut amerlanertigut kommunimi pilersaarusionermik kinguneqartartussaasaq, sanaartortoqassatillugu assigisaatigulluunniit periarfissat inissinneqartassammata, tamannalu tunngavigalugu nunaminertamik tunniussinisaq nalunaarutigineqartussalluni. Taamatuttaaq qamutinik motoorilinnik ingerlaffiusinnaasussat kommunimi pilersaarutikkut akuersissuteqannginnermi inissinneqartassapput.

Akuersissutip malitsigisussaavaa, akuersissuteqartoqarsimatillugu kommunalbestyrelsi akuersissuteqarfiumi kommunimi pilersaarummut iluarsisutitik akuersissuteqarfioreersup iluani akuersissuteqarsinnaannginnera. Taamaattumik kommunit pisinnaatitaaffimmikkut killiliiffigineqassallutik, tamatumalu aalajangiiniarnermi isummersorfiginissaa pissusissamisuussalluni.

Ilaatigut tamakku patsisigalugit, allaffeqarfik ersarissumik isumaqarpoq, inatsisip malitsinniarnissaa tamakkiisumik atuutsinneqassappat, malititsiniaaneq sumiiffimmi isumagineqartariaqartoq.

Tusarniummut akissutissiami ilaatinneqarpoq, Naalakkersuisut pinnagit kommunit inatsimmik malititsinisaq susassaqarfigisariaqaraat. Susassaqartuunisaq ingerlanneqassalluni akuersissutit aqqitat toqqammavigalugit, taakkulu Inuutissarsionermut Suliffeqarnermullu Naalakkersuisoqarfimmik suleqateqarnikkut suliarineqassasut, pisariaqarpallu naalakkersuisoqarfiit susassaqartut allat, takornariaqarnermik inuutissarsiuteqartut peqatigiiffi kommunillu.

Taamaammatt pingaaruteqavippoq, inatsisinik assigiinngitsunik malititsiniaanermi susassaqartut qinnuteqartullu akornanni suleqatigiilluarnissaaq, taamalu pisariaqartitatigut oqaloqatigiilluarnissaaq pilersinniarlugu.

Aningaasaqarnikkut allaffissornikkullu kingunerisinnaasai

Taamatut isikkulersuinissaaq allaffissornikkut aningaasaqarnikkullu kommuninut annertunerusumik kinguneqassanngilaq.

Inatsimmi ilanngunneqarnikuuvoq, inatsimmik malitsitsiniaasut suliassanik suliaqarnermi allaffissornikkut aningaasartuutitigut akiliuteqartitsisinnaasut, taamatuttaarlu akuersissummik pigisaqartoq nakkutilliinermut aningaasartuutitigut akiliuteqartissinnaallugu.

Inatsisip atuutsinnerata kinguneranik takornariaqarnikkut suliffissanik pilersitsinissaaq neriuutigineqarpoq, taamalu suliffissat amerlissasut akileraarutitigullu isertitassat annertusillutik.

Qullersaqarfiup oqaaseqaataa

Immikkut oqaaseqaatissaqanngilaq.



Allaffeqarfiup naliliinera

Allaffeqarfik naliliivoq, inatsisip atuutsilernissaa takornariaqarnerup ineriartortittuarnissaani pingaaruteqartuusoq, aammalu malitsitsiniaanissap kommuninut susassaqarfiutinnissaa pingaaruteqarluinnarluni.

Ilanngullugu naliliiffigineqarpoq, kommunini susassaqarfiusussat sumiiffinni inuutissarsiuteqarnikkut allaffeqarfiit peqatigalugit annertusarnissaat pingaaruteqartoq, tamatumuuna takornariaqarnikkut inuutissarsiutillit pisortatigoortumik pisortatigoortuunngitsumillu pulaffigineqarsinnaanissat qulakkeerniarlugu.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 14-ani 2012-imi ataatsimiinnermini innersuussutigineqartoq akuersissutigivaa.

Innersuussut

Allaffeqarfiup innersuussutigissavaa, aningaasaqarnermut ataatsimiititaliap kommunalbestyrelsillu tusarniummut akissutissiaq akuerissagaat.

Aalajangiineq

Innersuussutigineqartoq akuersissutigineqarpoq.

Ilanngussat

1. Tusarniutitut akissutissat siunnersuut.
2. Tusarniaanermi atortussat inatsisillu oqaasertai.



Imm. 12 Qeqqata Kommuniata inissiaataani 2013-imut missingersuutissatut siunnersuut

Journalnr. 06.01.01/2013

Tunuliaqutaq

Qeqqata Kommuniata inissianik ingerlatsisuata A/S Inissiaatileqatigiiffik INI-p 2013-imut missingersuutissatut siunnersuut nassiuppa, tassalu 2013-imi ineqarnermi akiliutissat akuereqqullugit.

Ineqarnermi akiliutissat qaammatinik pingasunik sioqqutsisumik nalunaarutigineqartussaapput, tassa allannguutissat atuutilertinnginnerini. Taamaattumik piffissaalluartillugu septembarip 30-at sioqqullugu aaljangiiffiusussaallutik, taamaalillutik attartortut piaartumik paasissutissinneqaqqullugit.

Maleruagassatigut tunngavissaq

A/S Inissiaatileqatigiiffik INI-p (ingerlatsisoq) Qeqqata Kommuniatalu (inissianik piginnittoq) al-laffissornikkut isumaqatigiissutaat naapertorlugu, inissiaatigut missingersuutissat inissianik piginnittumit ukiumut ataasiartumik akuersissutaasussaapput.

3.

Pissutsit atuuttut

Kommunip inissiaatini sisamanut aggulunnikuuai, taakkulu tamarmik A/S Inissiaatileqatigiiffik INI-mit ingerlanneqarlutik. Inissiaqarfiit taakku sisamat kommunitoqqani tamarmik marlunnut immikkoortitaapput. Sumiiffinni taakkunanani ilaqutariinnut arlalinnut inissianik immikkoortoqarpoq, kiisalu ilaqutariinnut illut ataasiakkaat marlukkaallu.

Kommunip inissiaatai	Ilaqutariinnut illut	Ilaqutariinnut illut marlukkaat
Maniitsumi	Immikkoortortaq 07-246	Immikkoortortaq 07-258
Sisimiuni	Immikkoortortaq 08-268	Immikkoortortaq 08-285

A/S Inissiaatileqatigiiffik INI-p siunnersuutigivaa, Qeqqata Kommuniani allaffeqarfik peqatigalugu, inissiat immikkoortuini ineqarnermut akiliutissat tulluuttut iluarsiiqqineqassasut, tassalu kvadratmeterimut 2013-imi imaalissasut:

INI-p ineqarnermut qaffaatissatut siunnersuutai	2012-imi ineqarnermut akiliut kr./m2-imut agguaqatigiisillugu	(2010->2011) ineqarnermut akiliutip procentinngorlugu qaffariaataa	(2011->2012) ineqarnermut akiliutip procentinngorlugu qaffariaataa	(2012->2013) ineqarnermut akiliutip procentinngorlugu qaffariaataa
Immikkoortortaq 07-246	732,44	0,00	2,00	1,00
Immikkoortortaq 07-258	749,28	5,00	3,00	2,00
Immikkoortortaq 08-268	685,40	3,00	3,00	3,00
Immikkoortortaq 08-285	619,36	10,00	8,00	5,00



Maniitsumi inissianut ineqarnermut akiliutit Sisimiuni inissiaqarfinnut sanilliullugit nalinginnaasumik qaffasinnerupput, taamaattumillu ineqarnikkut Maniitsumi qaffariaatissaq appasinnerusussatut siunnersuutigineqarluni. Iluarsartuussinissanut kinguattoornerit ilaqutariinnut ataatsinut marlunnullu inissiani annertunersaapput, taamaattumik taakkunani ineqarnermut akilutigisanut qaffariaatit annertunerupput.

Aningaasaqarnikkut allaffissornikkullu kingunerisinnaasai

Missingersuutitut siunnersuut malillugu kommunimi ilaqutariinnut illunut agguaqatigiisillugu ineqarnermut akigititaq Namminersorlutik Oqartussat ilaqutariinnut illunut agguaqatigiisillugu ineqarnermut akigititaannik qaffasinnerusaaq.

Maluginiassalluguli pingaaruteqarpoq, iluarsartuussinernut Namminersorlutik Oqartussat aningaasarsapassuit atortarmatigit, taamalu iluarsartuussinernit Aningaasanut inatsit aqputigalugu ingerlattarlugu, ineqarnermut akiliutit aqputiginagit. Ukiuni kingullerni ajoraluartumik Nuummiinnaq.

Qeqqata Kommunia taamatut inissittariaqalissanngippat, ilaqutariinnut inissiani akiliutit suli namminersorlutik oqartussat inissiaataanut assingusunut sanilliullugit qaffasinnerusariaqarput. Aammalumi inissiat pitsaassusii kommunit inissiaataani Namminersorlutik Oqartussat inissiaataanut sanilliullugit pitsaaneruvoq, taakkumi inissiaruarnik qaqortunik 1960' aamma 1970' ikkunneersuunerugamik.

Ukioq kingullermi takuneqarsinnaasutut, ilaqutariinnut ataasiakkaannut illut affarleriillu aserfallat-saalineqarnerat kinguattoorutaanngaatsiarnikuuvoq. Ukialuit ingerlaneranni kommuni aserfallat-saaliinikkut annertuumik ajornartorsiuteqalissanngippat, ineqarnermut akiliutit suli annertunerusumik qaffattariaqassapput imaluunniit illut tunillugit.

Illuatungaatigit uuliamut innaallagissamullu akit kikkunnut tamanut qaffariaateqarnikuupput, Sisimiuni innuttaasunut innaallagissamut akigititat eqqaassanngikkaanni. Taamaattumik ukiuni marlussunni tulluuttuni kiassarnermut siumut akiliutaasartuni qaffariaateqarsinnaaneq naatsorsuutigisariaqarpoq, innaallagissamulli akigititanut qaffariaatit innuttaasunut sunniuteqalereerput.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfiup nalilerpaa, ineqarnermut akigititanut qaffariaatissat annikitsut pisariaqartinneqartut, kiassarnermut siumut akiliutaasartunut aammalu innaallagissamut aningaasartuutaasartut innuttaasunut annertuumik qaffakkiartornikummata, Sisimiuni innaallagissamut tunngatillugu akigititaq eqqaassanngikkaanni.

Allaffeqarfik naliliivoq, ilaqutariinnut arlalinnut inissiatigit ineqarnermut akiliutissatut siunnersuutigineqartut naammaginartuusut, tamannalu aamma ilaqutariinnut arlalinnut inissiat aningaasaqarnerisigit ajunngitsumik inissisimanissaannut qulakkeerinneqataassasoq.



Allaffeqarfik naliliivoq, ilaqutariinnut ataasiakkaanut arlariinnullu illuuteqarfiit ajunngitsuusut, aammalu aningaasaqarnermut ataatsimiititaliap ukiuni kingullerni marlussunni aalajangiinera naapertorlugu, inissiani qaffaatit suli annertuvallaassanngitsut. Illuatungaaticullu illut tamakku ilaat ilaatigut nunaqarfinni atorfimmuut atatillugu najugaqarfiupput, taamaattumillu ineqarnermut akiliutitigut nunap sinnera isigalugu qaffaatissaq annertuallaartariaqarani. Taamaattumik Sisimiuni ukiumi siuliinit sanilliullugu 8-10 procentiusumut Maniitsumilu 3-5 procentiusumut annikinnerusumik qaffaanissaq innersuussutigineqassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggstip 14-ani 2012-imi ataatsimiinnermini innersuussutigineqartoq akuersissutigivaa.

Katrine Larsen Lennert suliap attuumassuteqarami peqataannngilaq.

Innersuussut

Allaffeqarfiup Aningaasaqarnermut ataatsimiititaliamut kommunalbestyrelsimullu akuereqqullugu innersuussutigissavaa

Maniitsumi Sisimiunilu 2013-imut ilaqutariinnut arlalinnut ineqarnermut akiliutissat 1 procentinik 3 procentinillu qaffanneqassasut

Maniitsumi Sisimiunilu 2013-imut ilaqutariinnut ataasiakkaanut affarleriinnullu ineqarnermut akiliutissat 2 procentinik 5 procentinillu qaffanneqassasut.

Aalajangiineq

Katrine Larsen Lennert, Ane Marie Schmidt Hansen, Regine Petrussenilu suliap eqqartornerani peqataannngillat.

Innersuussutigineqartut akuersissutigineqarput.

Ilanngussaq

1. Ineqarfinnut ataasiakkaanut missingersuutissatut siunnersuutit

Imm. 13 Arnap mikisup inussuliaata (Tøsebakkip) taaguuserneqarnissaa

Journalnr. 23.00.01

Tunuliaqutaq

Arnap mikisup inussuliaa ”tøsebakki” pisortatigoortumik kalaallisut taaguuserneqassaaq. Tassunga atatillugu Pilersaarusiornermi immikkoortortaarfik Utoqqaat Angerlarsaffianut utoqqaallu peqati-giiffianut kiisalu Sivdlek’ nr. 12, 21. marts 2012-imeersukkut siunnersuuteqaqqusiniikuvoq.

Maleruagassatigut tunngavissat

Pissutsit atuuttut

Sisimiuni sisorartarfik, ulluinnarni ”Tøsebakkip” taaneqartartoq qallunaatuinnaq taaneqartarluni pisortatigoortumik taaguuserneqarnikuunngilaq.

Teknikkimut Avatangiisinullu Immikkoortortap siunnersuutit tullinguuttut tigunikuuai:

- Karlap aqputaa

Nassuiaataa; Karla ukiuni 27-ni Sisimiuni sygeplejeskiusimavoq. Nunataq tamanna nuannaringaa-ramiuk pisuttuarfiguarsimavaa.

- Asanninnerup aqquusernga

Nassuiaataa; Ukiup qanoq ilinera apeqputaatinagu pisuttuarfigineqarsinnaavoq. Pinngortitaq qimerloorujoorsinnaallugu issiaveqarpoq. Nunataq tamanna ”Asanninnerup aqquusernga”-nik taagorneqalersimavoq.

- Eqalugarniarfiup aqputaa

Nassuiaataa; tamanna eqaloqarnikuusimangaarmat, utoqqaat meeraanerminni tamaani eqalugar-niartarsimapput.

Siunnersuutigineqartut aqqusinnermut pineqanngitsumut tunngatinneqarmata, siunnersuutigineqartut tøsebakkip taaguusiutassatut naleqqussarneqarsinnaapput.

Aningaasaqarnikkut allaffissornikkullu kingunerisinnaasai

Kinguneqaatissaqanngilaq.

Qullersaqarfiup oqaaseqaataat

Annertunerusumik oqaaseqaatissaqanngilaq.

Allaffeqarfiup naliliinera

Nalunnguarfimmi pisuttuarfik eqqaalu asanninnerup aqquusernganik taagorneqalereermat allaffeqar-fiup innersussutigissavaa, tassunga atasumik ”tøsebakki” taaguuserneqassasoq.

Allaffeqarfiup innersuussutaa

Pilersaarusiornermut immikkoortortaarfik Teknikkimut Avatangiisinullu ataatsimiititaliamut Kommunalbestyrelsimullu aalajangigassanngorlugu innersuussutigaa, ”tøsebakki” pisortatigoortumik kalaallisut taaguuteqalerniassamat taaguuserneqassasoq.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap juunip 12-ani 2012-imi ataatsimiinnermini suliaq suliarivaa.

Innersuussut

Teknikkimut Avatangiisinullu ataatsimiititaliap Kommunalbestyrelsimut akuereqqullugu innersuus-
sutigaa, sisorartarfiup ”Sisorarfik” taaguutigilissagaa.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq.



Imm. 14 Kangerluarsunnguami aqquuserngit taaguutaat

Journalnr. 23.00.01

Tunualiaqutaq

Kangerluarsunnguami aqquuserngit taaguuserneqassapput. Tassunga atatillugu Pilersaarusionermi immikkoortortaarfik Utoqqaat Angerlarsaffianut utoqqaallu peqatigiiffianut kiisalu Sivdle' nr. 13, 28. marts 2012-imeersukkut siunnersuuteqaqqusinikuuvoq.

Pissutsit atuuttut

Kangerluarsunnguami aqquuserngit marluk, nunap assingatigut takutinneqartut, taaguuserneqartus-
saapput – ilanngussaq 1.

Aqqusineq 1 – Kangerluarsunnguaq sinerlugu

- Niisarnaleriffik

Nassuiaataa; 1934-p missaani (siunnersuuteqartup ukiua eqqaamaqqissaanngilaa) Kangerluarsun-
nguami niisat ungooriarlugit pisarineqartarsimapput. Arnap utoqqasaap erni niisammik perngartoq
tusaramiuk qutsaserluni immamut avalassimavoq.

- Jaaku Davidsen-ip aqquuserna

Nassuiaataa; Utoqqarnut ataqqinninneq takutinniarlugu, taamanilu inissiarsuit nuuffigineqarsin-
naangormata, Jaaku ilaqqutannilu inissiarsuarmut nuussimallutik. Jaaku uummaarissuusimavoq,
angalaartuartsimallunilu. Umiatsiaaqqani Kangerluarsunnguami kisartarsimavaa.

- Qinngunnguanut

Nassuiaatissartaqanngilaq.

- Kanassut aqquuserna

Nassuiaataa; Qallunaatut Ulkebugt, aqqusinerlu immap sininnguaniiimmat kanajorniartoqarsin-
naammat.

- Puttaartarfik

Nassuiaataa; meeqqat inissiarsuarmiut puttaartarnikuusut eqqaamaneqarmat.

- Jakobiip aqquuserna

Jakobine Kangerluarsunnguaq issumik avalequtinillu katersuiffigisarsimavaa.

Aqqusineq 2 – qimmeqarfimmut aqqusineq

- Qinngunnguanit

Nassuiaatissartaqanngilaq.

- Qimmit aqquuserna

Nassuiaataa; qimmeqarfimmut aqqutaammat

Ataatsimoortumik sammisaqarnissamut siunnersuutit:

Qimminut sammisumik

Assersuutigalugu:

Anut aqquuserna

Qamutit aqquuserna

Iperaataq – Kangerluarsunnguami aqqusineq iperaattatulli takitigimmat, naggataatigullu seqqorpal-
lattarmat.

Pooqattaq aqquuserna

Qui aqquuserna

Qimmeqarfikoq aqquuserna – Kangerluarsunnguami aqqusineq, qimmeqarfikuunikuummat.



Aningaasaqarnikkut allaffissornikkullu kingunerisinnaasai
Kinguneqaatissaqanngilaq.

Qullersaqarfiup oqaaseqaatai
Annertunersumik oqaaseqaatissaqanngilaq.

Allaffeqarfiup naliliinera
Allaffeqarfiup innersuussutigaa, siunnersuutigineqartutut aqquserngit Qinngunnguanut aamma Puttaartarfik-mik taaguuserneqassasut.

Allaffeqarfiup innersuussutaa
Pilersaarusionermut immikkoortortaqaqarfiup Teknikkimut Avatangiisinullu ataatsimiititaliamut Kommunalbestyrelsimullu aalajangigassanngorlugu innersuussutigaa, Kangerluarsunnguami aqquserngit marluk taaguuserneqassasut.

Teknikkimut Avatangiisinullu ataatsimiititaliami suliap suliarinera
Teknikkimut Avatangiisinullu ataatsimiititaliap juunip 12-ani 2012-imi ataatsimiinnermini suliaq suliarivaa.

Innersuussut

Teknikkimut Avatangiisinullu ataatsimiititaliap Kommunalbestyrelsimut akuereqqullugu innersuussutigaa, aqqusineq 1 "Qinngunnguanut" taaguuteqalissasoq nr. 2-lu tullinnguuttunik "Sannerut", "Qinngunnguanut" imaluunniit "Qimmeqarfik".

Aalajangiineq

Aqquserngit aqqi tulluuttut akuersissutigineqarput:

Nr. 1 Qinngunnguanut

Nr. 2 Qimmeqarfik

Ilanngussaq

1. Aqquserngit titartagartaat/nunap assinga.

**Imm 15 Imigassamik tuniniaasinnanermut akuersissummik qinnuteqaat – Mica Kiosk,
Kangerlussuaq**

Journalnr. 70.06.00

Tunuliaqutaq

Evald Møller Thybo aggustip 1-ani 2012 imigassamik tuniniaasinnaanermut akuersissumik Mica Kiosk-imut B-1910, Kangerlussuarmiittumut qinnuteqarpoq.

Maleruagassatigut tunngavissat

Imigassamik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq.

Inatsimmi kapitali 2 naapertorlugu imigassamik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit akuersissummik pigisaqarnissaq piumasaaqaa-taavoq, soorluttaa inimut ininulluunniit aalajangersimasunut tunngatinneqartumik akuersissut kommunalbestyrelsimit tunniunneqartussaasoq.

Pissutsit atuuttut

Kangerlussuarmi 12-it sassaallersinnaanermut akuersissuteqarput, 3-llu nioqquteqarsinnaanermut akuersissuteqarlutik.

Nunaqarfimmi Aqutsisut suliamik suliarinninnerat

Nunaqarfimmi Aqutsisut aggustip 14-ani 2012 ataatsimiinnermini aalajangiuppaat qinnuteqaatip akuerinissa innersuussutiginiarnagu, pissutaavoq nunaqarfimmi imigassamik aalakoornartortalinnik pisiniarfeqareermat pioreersunik.

Innersuussut

Suliaq kommunalbestyrelsimut aalajangigassanngorlugu ingerlatinneqarpoq

a)

Nunaqarfimmi aqutsisunit innersuussutigineqartutut qinnuteqaat itigartinneqassasoq

Imaluunniit

b)

Mica Kiosk-imut B-1910, Kangerlussuarmiittumut, imigassamik tuniniaasinnaanermut akuersissummik ukiuni pingasuni atuuttussamik akuersissummik tunineqassasoq.

Aalajangiineq

Taasinermi innersuussut b) akuersissutigineqarpoq

a)-mut akuersisut 5-t (Inuit Ataqtigiiit)

b)-mut akuersisut 9-t (Siumut, Atassut)

Ilanngussaq

1. Kangerlussuarmi imigassallersinnaanermut akuersissutit allassimaffiat



Imm. 16 Kangerlussuarmi nunaqarfinni aqutsisuniit tunuarnera – Katrine E. Kleist

Journalnr. 01.01.03

Tunuliaqutaq

Kangerlussuarmi Nunaqarfimmi Aqutsisuni ilaasortap Kangerlussuarmi kiffartuussivimmut Kangerlussuarmiit Sisimiunut nuulerluni oqaasiinnakkut nalunaaruteqarsimavoq, tamannalu patsisigalugu aqutsisuniit tunuarniarluni.

Katrine E. Kleist Inuit Ataqtigiit sinnerlugit qinigaasimavoq.

Maleruagassatigut tunngavissaq

Kommunini suliaasaqarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersoq (aaqqissuusseqqinnermi inatsit):

”§ 6. Imm. 2. 1. januar 2009-mi Ikaarsaariarnermi Ataatsimiititaliaq kommunimi nutaami kommunalbestyrelsitut atuutilissaaq atuutissallunilu 2013-imi aprilimi kommunalbestyrelsinut qinersinerup tungaanut.

“§ 8. Imm. 3. Ataatsimoorussamik nunaqarfinni aqutsisunik qinersineq pissaaq kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni malittarisassat naapertorlugit.”

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq (aqutsinermut inatsit) § 15, imm. 2: “Ilaasortaq imm. 1-imi taagorneqartuni patsiseqarluni piffissami qaammatinik marlunnik sivisunerusumik anisariaqaleruni taava borgmesterimut allakkatigut taamatut iliorniarluni nalunaaruteqassaaq. Borgmesterip sinniissussaaq kommunalbestyrelsip ataatsimiinnissaanut tulluuttumut siullermut ataatsimiigiaqussavaa.”

Kommunalbestyrelsinut, nunaqarfimmi aqutsisunut ilagiillu sinniisaannut qinersisarnerit pillugit Inatsisartut inatsisaat nr. 10, 31. oktober 1996-imeersoq (qinersinermi inatsit) § 50. Ilaasortaq qinigaaffiup iluani kommunalbestyrelsimiit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq. Imm. 3. Ilaasortaq qinersivimmi najugaqarunnaarallarpap kommunalbestyrelsip aalajangersinnavaa pineqartup qinigaasinnaanini annaasimangikkaa, taamaalillunilu kommunalbestyrelsimiit ilaasortaajunnaarallarsinnaassalluni qinersivimmi aalajangersimasumik najugaqaqqilernissami tunngaanut.”

§ 51, imm. 2 oqaaseqatigiinni kingullerni takuneqarsinnaavoq: ”Partii kattusseqatigiilluunniit qinersivimmi ilaasortaaffiup inuttaaruttup inuttalernissaanut sinniisussamik peqanngippata naammaqutissamik qinersineqassaaq, taamaattoq tak. § 52.

§ 52.” Kommunalbestyrelsimi aallaqqaammut ilaasortasut affaanit amerlanerusut aalajangiip-pata, § 51-imi aalajangersakkat apeqqutaatinnaq, naammaqutissamik qinersineqassanngilaq.”

Qeqqata Kommuniani Nunaqarfinni aqutsisut suleriaasiat § 4:

”Nunaqarfinni aqutsisut ikinnerpaamik ilaasortat affaat najuuppata aalajangiisinnassuseqarput.”



Pissutsit atuuttut

Katrine E. Kleist-ip Kangerlussuarmit Sisimiunut nuulerlutik oqaasiinnakkut Kiffartuussivik 2012-imi apriliip 15-ata missaani nalunaarfigisimavaa. Tamatumalu kingorna Katrine-p oqaatigisimallugu, kingusinnerusukkut Kangerlussuarmit Kiffartuussivik mail-ikkut nalunaarfigisimallugu, tassanili mail-erutaa tiguneqarsimanani. Tamatuma kingorna Katrine E. Kleist tunuarniarnini pillugu kommunimut allagaqaateqaqqullugu qinnuigineqarsimavoq. Katrine E. Kleist-ip tunuarniutaa allaganngorlugu tiguneqarnikuunngilaq. Inuit nalunaarsorsimaffiat naapertorlugu Kangerlussuarmit Sisimiunut nuussimammata, suliaq kommunalbestyrelsimut saqqumiunneqarpoq.

Kangerlussuarmit Nunaqarfimmi Aqutsisut pingasunik ilaasortaqarput, taakkulu ataatsimik kiisalu Siumumut marlunnik agguataagaallutik. Katrine E. Kleist-ip tunuarneratigut nunaqarfimmi aqutsisuni ilaasortat marluinnaangorput, tamarmik Siumumeersut.

Kingoraartissat allattorsimaffiat naapertorlugu, Inuit Ataqtigiiit sinniisissaarunniupput. Nunaqarfimmi Aqutsisuni ilaasortat affaat najuukkunik aalajangiisinnatitaammata, tassalu marluk, nunaqarfimmi aqutsisut Katrine E. Kleist nuummali ataatsimiittarsimapput.

Qinersarnermi inatsit naapertorlugu naammaqutissamik qinersisoqarnissaa kommunalbestyrelsip aalajangiisinnaavoq, aaqqissuusseqinnermillu inatsit naapertorlugu nunaqarfimmi aqutsisut suli 2013-imi apriliip naanissaata tungaanut atuuttussaammata, taamaalilluni qaammatini arfineq-pingasuni nunaqarfimmi aqutsisut suli atuuttussaallutik.

Nunaqarfimmi Aqutsisut immikkut ittumik 2012-imi juunip 22-imi ataatsimiinnerminni aalajangiippat, naammaqutissamik qinersisoqarnissaa innersuusutiginiarnagu, nunaqarfimmi aqutsisut piffissami sivisunerusumi marluinnaallutik ingerlasareermata, aammalu ukioq ataasiunngitsorluunniit qaangiuppat qinersisoqartussaammata.

Aningaasaqarnikkut allaffissornikkullu kingunerisinnaasai

Naammaqutissamik qinersisoqassanngitsoq aalajangiunneqaruni aningaasaqarnikkut malitseqartussaannngilaq.

Aningaasaqarnikkut qinigaaffiup sinneranut qinersisoqassanngitsoq aalajangiunneqassappat, qaammammuto 10-02-30-kkut nunaqarfimmi ilaasortatut akissarsissaraluit 6.100 koruunit sipaarutaassappat.

Qullersaqarfiup oqaaseqaataa

Immikkut oqaaseqaatitassaannngilaq.

Allaffeqarfiup naliliinera

Tunuarniarneq nuunermik peqquteqarmat allaffeqarfik naliliivoq, inatsit naapertorlugu tunuarniut pimmat paasissutissatut tiguneqassasoq.

Tullianik qinersinissaq qaammatit arfineq-pingasut qaangiuppata pisussaasoq isiginiaraanni, nunaqarfimmilu aqutsisut suleriaasiat naapertorlugu ilaasortat marluuppata aalajangiisinnatitaammata, taamatullu nunaqarfimmi aqutsisut pisariaqarsorinngimassuk, allaffeqarfik isumaqarpoq, naammaqutissamik qinersisoqarnissaa piumasarisariaqanngitsoq. Kingusinnerusukkulli pisariaqalersinnaavoq, ilaasortat sinneruttut arlaat piffissami sivisunerusumi napparsimalissagaluarpat imaluunniit tunuarniuteqartoqassagaluarpat.



Innersuussut

Allaffeqarfiup kommunalbestyrelsimut akuereqqullugu innersuussutigissavaa

- 1) Katrine E. Kleist-ip Kangerlussuarmi Nunaqarfimmi Aqutsisuniit tunuarniutaa tusaatissatut tiguneqassasoq
- 2) Naammaqqutissamik qinersisoqassanngitsoq, nunaqarfimilu aqutsisut marlunnik ilaasorta-qarlutik ingerlaqqissasut

Aalajangiineq

Innersuussutigineqartoq 1) akuersissutigineqarpoq.

Taasinermi innersuussutigineqartoq 2) akuersissutigineqarpoq.

Akuersisut 13

Taaseqataannilaq 1 (Godmand Rasmussen)

Ilanngussat

1. Nunaqarfimmi Aqutsisut 2012-imi juunip 22-imi immikkut ittumik ataatsimiinnerannit imaqarniliaq.
2. Kangerlussuarmi nunaqarfinni aqutsisunut sinniisussat allattorsimaffiat

**Imm. 17 Ataatsimoorussamik Itilleq/Sarfannuguit nunaqarfinni aqutsisuniit tunuarniut –
Dina Berthelsen**

Journalnr. 01.01.03

Tunuliaqutaq

Ataatsimoorussamik Itilleq/Sarfannuguit nunaqarfinni aqutsisuni ilaasortaq Dina Berthelsen, Siumut 2012-imi aggstip 13-ni allakkamigut nalunaarpoq, Sisimiuni Piareersarfimmi 2012-imi aggstip 20-ani allartittussaalluni, taamalu ataatsimoorussamik Itilleq/sarfannuguit nunaqarfimmi aqutsisuniit tunuartaarluni.

Maleruagassatigut tunngavissaq

Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14, 19. november 2007-imeersoq (aaqqissuusseqqinnermi inatsit):

”§ 6. Imm. 2. 1. januar 2009-mi Ikaarsaariarnermi Ataatsimiititaliaq kommunimi nutaami kommunalbestyrelsitut atuutilissaaq atuutissallunilu 2013-imi aprilimi kommunalbestyrelsinut qinersinerup tungaanut.

“§ 8. Imm. 3. Ataatsimoorussamik nunaqarfinni aqutsisunik qinersineq pissaaq kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni malittarisassat naapertorlugit.”

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq (aqutsinermut inatsit) § 15, imm. 2: “Ilaasortaq imm. 1-imi taagorneqartuni patsiseqarluni piffisami qaammatinik marlunnik sivisunerusumik anisariaqaleruni taava borgmesterimut allakkatigut taamatut iliorniarluni nalunaaruteqassaaq. Borgmesterip sinniissussaaq kommunalbestyrelsip ataatsimiinnissaanut tulluuttumut siullermut ataatsimiigiaqussavaa.”

Kommunalbestyrelsinut, nunaqarfimmi aqutsisunut ilagiillu sinniisaannut qinersisarnerit pillugit Inatsisartut inatsisaat nr. 10, 31. oktober 1996-imeersoq (qinersinermi inatsit) § 50. Ilaasortaq qinigaaffiup iluani kommunalbestyrelsimiit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq. Imm. 3. Ilaasortaq qinersivimmi najugaqarunnaarallarpas kommunalbestyrelsip aalajangersinnavaa pineqartup qinigaasinnaanini annaasimannigikkaa, taamaalillunilu kommunalbestyrelsimiit ilaasortaaajunnaarallarsinnaassalluni qinersivimmi aalajangersimasumik najugaqaqqilernissami tunngaanut.”

Pissutsit atuuttut

Ataatsimoorussamik Itilleq/sarfannuguit nunaqarfinni aqutsisut tallimanik ilaasortaqarpoq, Inuit Ataqaatigiinniit marluk Siumumiillu pingasut. Sinniisussat allattorsimaffiat naapertorlugu sisamat Siumup sinniisussaatus nalunaarsugaapput.

Inatsit naapertorlugu pineqartup tunuarnissaminik qinnuteqaataa qinigaaffini qimakkallartussaappagu kommunalbestyrelsip akuerisussaavaa. Taamaattumillu Siumumut sinniisussatut siullertut inissisimasooq Peter Karlsen, Itilleq ataatsimoorussamik nunaqarfinni aqutsisunut 2012-imi aggstip 20-ani ilaasortatut atuutilissaaq.



Innersuussut

Allaffeqarfiup innersuussutigissavaa, Dina Berthelsen 2012-imi aggustip 20-aniit ataatsimoorussamik Itilleq/Sarfannuguit nunaqarfini aqutsisuunit tunuassasoq kommunalbestyrelsimit akuerineqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Dina Berthelsen-ip 2012-mi aggustip 13-ni allagaa.
2. Ataatsimoorussamik Itilleq/Sarfannuguit nunaqarfinni aqutsisussatut sinniisussat allattorsimaffiat.

Imm 18 Oqaluuserisassatut siunnersuut – Maniitsup illoqarfiani nakorsaqaarniarneq

Journalnr. 48.00

Tunuliaqutaq

Kommunalbestyrelsimi ilaasortap Karl Lyberthip, Maniitsup illoqarfiani nakorsaqaarniarneq pillugu kommunalbestyrelsimi oqaluuserisassatut siunnersuut juulip 23-ani 2012-imi e-mailikkut nassiuppaa.

Karl Lyberthip allakkamini eqqaavaa, Maniitsumi nalinginnaasumik pingasuusarsimagaluartut massakkut marluinnaallutik.

Kingunerivaa nakorsiarniartoqartarpoq ullorpassuit utaqeqqaarluni.

Maniitsumi napparsimmaveqarfimmi pissutsit aaqqinneqarnissaat, minnerunngitsumik nakorsat ikinnerpaamik pingasunngorteqqinneqarnissaat pillugu kommunalbestyrelsi pisortatigoortumik ilungersortumillu peqqinnissaqarfimmut saaffiginnissasoq matumuuna siunnersuutigaa.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Qullersaqarfimmut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Peqqinnissamut ataatsimiitalianik pilersitsisoqarsinnaanera misissorneqassaaq. Naalakkersuisunut saaffiginnittoqassaaq.

Ilanngussaq

1. Karl Lyberthip juulip 23-ani 2012-imi e-mailerutaa.

Imm. 19 Ilaasortat siunnersuutaasa killiffii pillugit paasissutissiineq

Journalnr.01.01.00

Tunuliaqutaq

Kommunalbestyrelsimi ilaasortat siunnersuutaasa killiffii pillugit allaffeqarfimmiit pitsaanerusumik paasissutissiisarnissaq kissaatigalugu, 2012-imi apriliip 26-ni kommunalbestyrelsip ataatsimiinnerani Olga Berthelsen Ljungdahl-ip oqaatigivaa.

Pissutsit atuuttut

Ilaasortap siunnersuutaata kommunalbestyrelsimi oqallisigereerneratigut periuseq imaappoq, siunnersuut ataatsimiititalianut susassaqaarfinnut, Immikkoortortaqarfinnut pisortaanerinnuunniit ingerlateqqitassanngorlugit ingerlateqqinneqartarput.

Siunnersuut aningaasaqarnikkut kinguneqartussaattillugu, killiliussalli iluini naammassineqarsinnaattillugu, suliaq ataatsimiititaliami naammassineqartarpoq. Siunnersuulli aningaasaqarnikkut annertunerusumik kinguneqartussaattillugu, ukiup tulliani missingersuusiornissamut innersuussutigineqartarluni. Siunnersuutit allat annertunerusutigit misissuinissamik pisariaqartitsisarput, tassa suliaassami peqataasussat arlaliutillugit. Taamaattullu piffissamik annertuumik tiguisinnaasarlutik.

Olga Berthelsen Ljungdahl-ip killiffinnik paasinnikkusunneratigut, siunnersuutit apeqquteqaatillu tigummineqartut nalunaarusiorneqarput, siunnersuutit susassaqartunut ingerlateqqinneqarsimasut killiffiilu ilanngullugit.

Killiffinnik nalunaarusiaq 2009-mi kommunalbestyrelsip allartinneraniit oqaluuserisassatut siunnersuutininik tigusinerniit suliaavoq. 2008-mi Ikaarsaariarnermi ataatsimiititaliami ilaasortaniit siunnersuutininik ingerlaqqittussanik tigusaqartoqarnikuunngilaq.

Kommunalbestyrelsimi ilaasortanit siunnersuutit apeqquteqaatillu killiffii tulliuttukkut iserfigineqarsinnaapput

[\\10.96.140.252\Common\Kommunalbestyrelse](#)

K:\Kommunalbestyrelse

- KB-mi ilaasortanit oqaluuserisassanngortitat killiffii
 - Ø 2009
 - Ø 2010
 - Ø 2011
 - Ø 2012

Killiffinnik nalunaarusiaq ataatsimiititaliat kommunalbestyrelsillu ataatsimeereeraangata nutarterneqartarpoq.

Innersuussut

Paasissutissiissutit tusaatissatut tiguneqarnissaa allaffeqarfiup kommunalbestyrelsimut innersuussutigissavaa.

Aalajangiineq

Paasissutissiissutit tusaatissatut tiguneqarpoq.

Ilanngussaq

1. 2009-miit, 2010-miit, 2011-miit 2012-miillu siunnersuutit killiffii.



Imm. 20 Maniitsumi atuartut angerlarsimaffiani oqoqalersimanagerata nutarterinissanut immikkut aningaasaliiffigineqarnissanut, kiisalu Sisimiuniit Maniitsumut nukinik nuussinissamut qinnuteqaatit pillugit paasissutissiissut

Journalnr.51.01.01.50/06.02.01

Tunuliaqutaq

Namminersorlutik Oqartussat atuartut angerlarsimaffiit tamanik kommuninut tunniussinerisa kingunerisaanik, Qeqqata Kommuniani nunaqarfinni meeqqat 9. – 10. klassimi atuartut katillugit 20-t, ukioq atuarfiususaaq 2012/13-imiit Maniitsumiitinneqarnissaat politikikkut alajangiunneqarpoq.

Maleruagassatigut tunngavissaq

Atuarfiit pillugit peqqussummi atuartunut angerlarsimaffiit, atuartunut inissiat atuarfillu najugaqarfiusut immikkut aqqissuussat pillugit § 20. Atuartut tamarmik peqqussut manna malillugu atuartitaanissamik neqeroorfigineqarnissaat qulakkeerumallugu, pisariaqartitsineq naapertorlugu atuartunut angerlarsimaffiit aamma atuartunut inissiat atuarfinit pioreersunut atasut pilersinneqassapput. Atuartunut angerlarsimaffinni najugaqarnerup akeqannginnera aammattaaq allaqqavoq. Naggataatigullu paragraffimi meeqqanut innarluutilinnut atuarfinit najugaqarfiusunik immikkut aqqissuussamik pilersitsinissamik pisariaqartitsineq eqqaaneqarpoq.

Pissutsit atuuttut

Qeqqata Kommuniani atuartunut angerlarsimaffiit marluupput, Maniitsumi ataaseq Sisimiunilu ataaseq.

Atuartut sulisullu angerlarsimaffiini oqoqalersimanagerup kingorna nutarterinerit ingerlanneqassapput.

Aningaasaqarnikkut allaffissornikkullu kingunerisinnaasai

Qeqqata Kommunip atuartumut ataatsimut ukiumut ingerlatsinermut aningaasartuutai: kr. 72.000.
Qeqqata Kommunip atuartut angerlarsimaffiani atuartumut ataatsimut ingerlatsinermut aningaasartuutai: kr. 153.000.

B-1126 aamma B-1127	
Oquiaaneq	Kr. 2 mio.
Nutarterineq	Kr. 4,2 mio.
Iluarsartuussineq	Kr. 15 mio.

Maniitsumi atuartut angerlarsimaffianut pioreersumut nutarterinissamut/ iluarsartuussinissamut aningaasartuutissanut missiliut.

Maniitsumi atuartut angerlarsimaffiani oqoqalersimanager il.il. pillugit nutarterinissamut immikkut 200.000 koruuninik aningaasaliiffigineqarnissamik qinnuteqaateqartoqarpoq. Nunaqarfimmit atuartunik tikittoqarnissaanut atatillugu atuartut angerlarsimaffianik nakkutilliisumik sulisunillu allanik atorfinit sisoqarniassamat. Sisimiuniit amerlassusiliissutit aningaasaqarnikkullu allat pissamaatit Maniitsumut nuunneqarnissaat qinnutigineqarpoq.

Atuartut angerlarsimaffiit tamanik aammalu nunaqarfinni atuarfinit tunniussinermut atatillugu, Namminersorlutik Oqartussat nutarterinernut annertuunut akisussaasuussagaluarput.

Allaffeqarfiup naliliinera

1. atuartut angerlarsimaffii ataatsimoortut nunaqarfinni atuartunut inuiaqatigiinnut suliaqarnerinullu atugaannut pitsanngorsaataassasoq.
2. atuartut illoqarfimmut nuunnginnerini, atuartunik angajoqqaanillu pitsaanerusumik piareersaanikkut, atuartut angerlarsimaffianni pitsaanerusumik tikittoqarnerani piareersimanissaq pisariaqartinneqarpoq. Atuartoq illoqarfimmut nuunnginnerani atuartut angerlarsimaffianut tikeraartinneqarsinnaavoq. Atuartup nuunnginnerani nooreerneratalu kingorna Skype atorlugu atuartunut inersimasunullu ataatsimiinnerit ingerlanneqartarput.
3. atuarfiup angerlarsimaffiullu suleqatigiinnerat pitsanngorsarneqassasoq, ilaatigut atuartup atuarneranut iliuuseqarnissamut pilersaarusiornikkut.
4. atuartumut angerlarsimaffiit atuartunut angerlarsimaffittut ingerlanneqassasut, taamaalillutik toqqissisimasumik sinaakkutilimmi ineriartorsinnaassallutik, ilinniaqqinnissaminnullu piareersimalissallutik.
5. atuartut angerlarsimaffiani ilinniartitsisumik ikiorteqarlutik ilinniakkerisarneq ulluinnarsiutaassasoq. Atuartut suliatigut anguniagassaanut akisussaaffik perorsaanermik sulisuni aammalu, atuartut suleqatigalugit, atuartut ilinniartitsisuini inissisimavoq. Meeqqat atuarfiani ukiuni kingullermi marlunni anguniagassatut atuartumut iliuuseqarnissamut pilersaarusiortoqassaaq.
6. sapaatip akunnerata ingerlanerani sunngiffimmi sammisassanik pilersaarusiornermik aallartitsisoqassasoq, ataatsimoornermillu siunertalimmik katerisimaarnikkut ilitsersuisoqarluni.
7. atuartut angerlarsimaffianut piffissaq tamakkerlugu perorsaanermik atorfinnik marlunnik aammalu perorsaanermik ikiortimik atorfimmik ataatsimik pilersitsinissaq pisariaqartoq. Taassumalu saniatigut sulianut allanut atorfinitsitsinissamut amerlassusiliineq. Sulisut atorfinitsinneqarneranut suliassanut allattorsimaffinni akisussaaffiit suliassallu ersarissumik allaaserineqassapput.
8. nutarterinissamik kinguleruttoq Namminersorlutik Oqartussat suliassaraat. Aningaasartuutissat annertoorujussuupput, taamaattumillu minnerpaamik ilaannakortumik Namminersorlutik Oqartussanit akilerneqartariaqassapput. Kommunip piaarnerpaamik Namminersorlutik Oqartussanut aningaasaqarnermut akisussaaffik erseqqissartariaqarpaa. Maniitsumi atuartut angerlarsimaffiat piaarnerpaamik nutarterneqartariaqarput.
9. nunaqarfinni atuartut, atuartut angerlarsimaffianut tikinginnerini atuartitaanerat ilinniarfik najornagu ilinniartitaanikkut qaffassarneqassaaq. Nunaqarfinni ilinniartitsisut pitsaanerusumik atorneqartariaqarput, ilinniarfik najornagu ilinniartitsinikkut tapertalersorneqarsinnaalluni. Pingaartumik immikkut atuartitsineq pitsanngorsarneqarnissamik pisariaqartitsivoq. Ilinniarfik najornagu ilinniartitaaneranut internettikkut attaviup pitsanngorsarneqarnissaanut akisussaaffik Namminersorlutik Oqartussani inissisimavoq, tamannalu kommuninut nammakkiutaasariaqanngilaq.



Allaffeqarfiup innersuussutaa

Maniitsumi atuartut angerlarsimaffiani nunaqarfinni tallimaasuni 9 – 10 klassimi atuartut 2012-imi aggstip aallaqqaataaniit ataatsimoortinneqarnissaanut aalajangiussineq naapertorlugu, atuartut angerlarsimaffiani oqoqalersimanermut il.il. nutarterinissamut 200.000 koruuninik aningaasaliisoqassasoq.

Nutarterinissat (namminneq taakkartugaannik) annertuut pillugit Namminersorlutik Oqartussat taakkunungalugu aningaasartuutaasussanut isumaqatigiissusiortoqassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap juunip 11-ani 2012-imi ataatsimiinnermini, innersuussutigineqartoq 200.000 akuersissutigivaa, aalajangiullugulu borgmesterimut aalajangiassanngorlugu ingerlatineqassaaq.

Borgmesterip suliamik suliarinninnera

Maniitsumi atuartut angerlarsimaffiani oqoqalersimanermut il.il. nutarterinissamut 200.000 koruuninik immikkut aningaasaliisoqassasoq, aningaasaqarnermut ataatsimiititaliaq kommunalbestyrelsilu sinnerlugit, juulip 6-ani 2012-imi borgmesteri aalajangiivoq.

Aalajangiineq pillugu aningasaqarnermut ataatsimiititaliaq kommunalbestyrelsilu tullissaanik ataatsimiilerunik ilisimatinneqassapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 14-ani 2012-imi ataatsimiinnermini suliaq paasissutissatut tiguaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

1. Sanaartornermi pisortap missiliutaa

Imm. 21 Uuliap innaallagissallu akiisa qaffannerat paasissutissallu nutaat pillugit passissutissiissut

Journalnr. 06.02.01

Tunuliaqutaq

Kommunalbestyrelsi 2012-imi juunip 14-ni ataatsimiinnermini uuliap innaallagissallu akitsorneranut immikkut aningaasaliissuteqarnissamut akuersaarluni aalajangiivoq. Ajoraluartumilli suliffeqarfippaaluit ilaasa uuliamut aningaasartuutissatik kontomut tamanut atuuttumut xx-xx-xx-21-50-imut ikkussimagaat maluginiarneqarsimanani, taamaattumillu immikkut aningaasaliissutit annertunerusariaqarsimagaluarlutik.

Uuliap akia Kalaallit Nunaanni 37,5 procentinik qaffiarpoq, Maniitsumilu januaarip 1-ani 2011-mi innaallagissap akia 16,8 procentinik aamma qaffiararluni.

Taamaalilluni januaarip 1-ani 2011-mi uuliap akia literimut 4,47 koruuniniit literimut juulip 8-ni 2011-mut 5,57 koruunit sinnerlugit maajillu 1-ani 2012-imut literimut 6,15 koruuninut qaffiararluni.

Maniitsumi innaallagissap akia januaarip 1-ani 2011-mi kWh-mut 2,85 koruuniniit septembarip 1-ani 2011-mi kWh-mut 3,17 koruunit sinnerlugit januarillu 1-ani 2012-imut 3,33 koruuninut qaffiarpoq.

Maleruagassatigut tunngavissaq

Kommunalbestyrelsi aningaasaliissutitigut susassaqtuuvoq.

Pissutsit atuuttut

Qeqqata Kommuniata uuliamut innallagissamullu missingersuutai 2010-miit 2011-mut 2 procentinik kiisalu 2011-miit 2012-imut 1 procentinik siumut qaffataapput.

Uuliamut kommunip aningaasartuutai kontot allattorsimaffiat akuerisaasoq naapertorlugu kontomut pingaarnermut xx-xx-xx-21-40 ikisaapput, kiassarnermullu aningaasartuutissat kontomut pingaarnermut xx-xx-xx-21-20 ikisaallutik. Tamatuma saniatigut kontomi tamanut atuuttumi xx-xx-xx-21-50-imi nalinginnaasumik pilersuinikkut aningaasartuutissat ikkunneqarsimallutik, taakkulu pingaartumik uuliamut atorneqartarlutik.

Aningaasaqarnikkut allaffissornikkullu kingunerisinnaasai

Kommunimi tamarmi suliffeqarfinni uuliamut aningaasartuutissat 2012-imi missingersuutinut katillugit 7.346.000 koruunit ikkunneqarsimapput, agguataarlugit kontomut tamanut atuuttumut 21-40-mut 3.574.000 koruunit kiisalu 3.772.000 koruunit kontomut tamanut atuuttumut 21-50-imut ikkunneqarsimallutik. Maniitsullu illoqarfiani innaallagissamut aningaasartuutissat 2012-imi missingersuutitigut 2.495.000 koruuninik aningaasaliiffiullutik.

Kommunimi tamarmi uuliamut Maniitsumilu innaallagissamut aningaasartuutissat siumoortumik qaffannissaatigut immikkut katillugit 3.185.000 koruuninik aningaasaliissuteqarfiusariaqassapput, tassalu kommuni tamakkerlugu uuliamut 2.766.000 koruunit, kiisalu Maniitsumi innaallagissamut 419.000 koruunit. Tassalu kommunalbestyrelsip 2012-imi juunimi akuersissutaaniit 1.426.000 koruuninik amerlanerussallutik.



Allaffeqarfiup naliliinera

Allaffeqarfik naliliivoq, sulii immikkut 1,426 mio. koruuninik aningaasaliissuteqarnissaq pisariaqartoq, taakkulu 2012-imi missingersuutitigut ukiunullu missiliuuteqarfiusunut iluarsiiiffiusariaqarlutik.

Allaffeqarfiup innersuussutaa

Aningaasaqarnermut ataatsimiititaliamut kommunalbestyrelsimullu akuereqqullugu innersuussutiginetassaaq,

kommuni tamakkerlugu 2012-imi missingersuutitigut ukiunullu missiliuuteqarfiusunut 1.426.000 koruuninik uuliamut aningaasartuutissat sulii immikkut aningaasaliissuteqartoqassasoq

Borgmesterip suliamik suliarinninnera

Innersuussut aggustip 1-ani 2012-imi borgmesterimit akuersissutigineqarpoq.

Aalajangiineq pillugu aningaasaqarnermut ataatsimiititaliaq kommunalbestyrelsilu tullissaanik ataatsimiileruni ilisimatinneqassaaq,

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 14-ani 2012-imi ataatsimiinnermini suliaq paasissutissat tiguaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. 2012-imut missingersuutini kommuni tamakkerlugu aningaasartuutissat – konto pingaarneq 21-40.
2. Kommuni tamakkerlugu uuliamut 2012-imi missingersuutitigut – konto tamanut atuuttumi 21-50-imi aningaasartuutissat.
3. Maniitsumi innallagissamut 2012-imut missingersuutit – Maniitsumi konto pingaarneq 21-20.



**Imm. 22 Sisimiut umiarsualiviata allineqarnerata inuiaqatigiit aningaasaqarneranut
misissuineq pillugu paasissutissiissut**

Journalnr. 24.01

Tunuliaqutaq

Sisimiut umiarsualiviata allineqarnerata inuiaqatigiit aningaasaqarneranut misissuineq 2012-imi maajimi naammassivoq. Misissuineq Aatsitassanut attaveqaqatigiinnermullu ataatsimiititaliamut, Aningaasaqarnermut ataatsimiititaliamut kommunalbestyrelsimullu juunimi saqqummiunneqarpoq. Tullinguuttutigit akuersissutigineqarpoq,

Inuiaqatigiit aningaasaqarneranut misissuineq tusaatissatut tiguneqassasoq

Kommunip sapinngisamik Assartuussineq pillugu isumalioqatigiissitap isumaliutissiissutaanik tiguisussanut nassiuqqassasoq

Sisimiut umiarsualivianik ataatsimut piginneqatigiinnissamut ingerlatsinissamillu Namminersorlutik Oqartussanut isumaqatigiinniarnaq aallartinneqassasoq

Maleruagassatigit tunngavissat

Suleqatigiissitanut suliakkiussaq.

2.

Pissutsit atuuttut

Borgmesteri 2012-imi maajip 24-ni Ineqarnermut, Attaveqatigiinnermut Angallannermullu Naalakkersuisumut allakkamini siunnersuutigaa, atorfillit suleqatigiissitap marluk pilersinneqassasut. Taakku ataatsimoorussamik umiarsualiveqarnissamut teknikkikkut allaffissornikkullu iluarsissutissanik misissuipput. Taamatuttaaq suligasuarnissaannik kajumissaarneqassapputi.

Ineqarnermut, Attaveqatigiinnermut Angallannermullu Naalakkersuisoq 2012-imi juunip 8-ni borgmesterimut akissuteqarpoq, piffissaliussamut atatillugu Naalakkersuisoqarfimmit kissaatit akuerisinnaanagit, suliarlu aatsaat 2012-imi septembarimi aallartinneqarsinnaalluni.

Aningaasaqarnikkut allaffissornikkullu kingunerisinnaasai

Ukiup naalernerani umiarsualiviup naammassineqarnissaa sioqqullugu teknikkikkut allaffissornikkullu iluarsissutissat naammassineqanngippata, Kalaallit nunaani inuiaqatigiinnut aningaasaqarnikkut kinguneqarsinnaavoq.

Allaffeqarfiup naliliinera

Suliap aallartinneqarnissaa nukinginnartuusooq allaffeqarfimmit nalilerneqarpoq.

Aatsitassanut Attaveqaqatigiinnermullu ataatsimiititaliami suliap suliarinera

Aatsitassanut Attaveqaqatigiinnermullu ataatsimiititaliap aggstip 7-ani 2012-imi ataatsimiinnermini suliaq suliarivaa.



Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 14-ani 2012-imi ataatsimiinnermini paasissutissiissut tusaatissatut tiguaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Borgmesterip Ineqarnermut, Attaveqatigiinnermut Angallannermullu Naalakkersuisumut allagaa 2012-imi maajip 24-aneersoq
2. Ineqarnermut, Attaveqatigiinnermut Angallannermullu Naalakkersuisup borgmesterimut allagaa 2012-imi juunip 8-nianeersoq

Imm. 23 Kangerlussuarmi ikaartarfik pillugu paasissutissiisut

Journalnr. 23.03

Tunuliaqutaq

Ullut arlallit ingerlaneranni erngup qaffakkaluttuinnerata kingunerisaanik, pingasunngornermi juulip 11-ani kingusissukkut Kangerlussuarmi kuummi imeq kuuttoq ima sakkortutigilerpoq, Kangerlussuup avannaatungaaniq kujataatungaaniq attaviliisoq ikaartarfik aserorlugu. Ilutigitillugu erngup aqputaa annertuumik ajoquserneqarpoq, kisianni imermik innaallagissamillu pilersuineq ingerlaannarpoq. Immikkut assiaqusersuinikkut ikaartarfiup isumannaarnissaa Kangerlussuarmi suleqataasunik suleqateqarluni kommunip misilippaa, ajoraluartumilli iluatsinngitsoorpoq.

Maleruagassatigut tunngavissaq

Namminersorlutik Oqartussat kommunillu akornanni nammagassat suliassallu agguataarneqarneranni ikaartarfik eqqaaneqarnikuunngilaq, soorluttaaq kommunip ikaartarfik tigunikuunngikkaa, taamaallaalli 2002-mi januaarip 1-ani Kangerlussuup naapertuuttunngorsarneqarnissaanut aqquersnit kisimik tiguneqarnikuullutik.

3.

Pissutsit atuuttut

Qeqqata Kommunia Namminersorlutik Oqartussanik isumaqatigiissuteqarnikkut aaqqiissutaagalartumik pilersitsinissamut periarfissamik misissuikuugaluarpoq, soorluttaaq ikaartarfimmik ataavartumik pilersitseqqinnissaq pillugu teknikkikkut siunnersortimik aallartitsinikkuulluni. Manna tikillugu aaqqiissutaagallartussamik suli nassaartoqanngilaq.

Ikaartarfimmilli pilersitseqqinnissamut akisussaasuunissaq pillugu Nunatsinni Naalakkersuisut Qeqqatalu Kommunalu isumaqatigiinnissuteqarput. Nunatsinni Naalakkersuisut Naalakkersuisoq Jens B. Frederiksen aallartitalugu ataatsimiinnerni tusagassiutigullu oqariartuutiginikuuvaat, ikaartarfik kommunip akisussaaffigaa. Qeqqata Kommuniata Kanukoka-mik siunnersorneqarnikkut oqariartuut taanna tunngavissaqanngitsutut isigaa.

Ikaartarfik kommunimit akisussaaffigineqarneratut oqariartuutiginieqartunut Kalaallit Nunaanni Namminersorlutik Oqartussat uppersarsinnaasimannngilaat. Kuummi ikaartarfik aamma Kangerlussuup 2002-mi Sisimiut Kommuneanut utertinneqarneranut atatillugu naapertuuttunngorsaanermut Namminersorerullutik Oqartussaasimasut Sisimiut Kommuerisimasaatalu akornanni isumaqatigiissummi ilaangilaq.

Aningaasaqarnikkut allaffissornikkullu kingunerisinnaasai

Aaqqiissutaagallartussamut ataavartumilluunniit aaqqiissuteqarnissamut missiliuutinik suli pigisaqartoqalinnngilaq. Avannaatungaani eqqaaviugallartumik pilersitsinermut kommunip immikkut aningaasartuuteqarpoq. Takornarialerisut nerisaqartitsisarnermi kujataatungaaniq takornariartitsisarnermut isertitassaraluminnik annaasaqarput, inuutissarsuteqartullu sinnerisa timmisartuussinermut aammalu kujataatungaani silamut tunngasunik teknikkikkut atortulersuutinik amerlaqisunik suliaqarnissaminnik ajornartorsiuteqarput.

Sumiiffimmi innuttaasut nunaminertanut sukisaarsaaqqiffissanukartarfitik annaavaat, imeqarfiup eqqaani inissisimasut illuaqqat/aasarsiortarfiit ilanngullugit.

Qullersaqarfiup oqaaseqaataa

Annertunerusumik oqaaseqaatissaqanngilaq.



Allaffeqarfiup naliliinera

Allaffeqarfiup nalilerpaa, piffissaq qaninnerusooq alimasinnerusorlu isigalugit ikaartarfiup pilerseqqinneqarnissaa pingaaruteqartorujussuusooq. Tamanna innuttaasut timmisartoqarfiullu ingerlanneqarneranut kommunimut namminersorlutillu oqartussanut pingaaruteqarpoq, kisianni aamma Nunatsinni takornariarpassuit pitsaasunik atugassaqartinnissaasa, isornartunilluunniit pisoqaraluar-tillugu, Nunatsinni oqartussat nunarsuatta tatiginninnerata qulakkeernissaa pingaaruteqarpoq.

Allaffeqarfiullu nalilerpaattaaq, ikaartarfimmik pilersitseqqinnissamut akisusaaffik Namminersorlutik Oqartussaniittoq. Qeqqata Kommuniata ikaartarfik tigusimagaluarpaguluunniit, ikaartarfiup napparteqqinneqarnissaanut kaissusaaffik Namminersorlutik Oqartussaniittariaqartoq allaffeqarfik naliliivoq. Aappaatigut pinngortitami ajunaarnersuartut oqaatigineqaraluarpalluunniit, Namminersorlutik Oqartussalluunniit ikiuuttariaqarput. Pinngortitamilluunniit ajunaarnersuunngikkaluarpat, taava Qeqqata Kommuniata Namminersorlutik Oqartussaniit Kangerlussuarmi maanna pisunut nammannissinnaanngitsoq ikaartarfik tigunguuvaa, taamaattumik ikaartarfimmik nutaamik pilersitseqqinnissami aningaasartuutaajumaartussanut tamakkiisumik kommuni utertitsiffigineqartariaqarpoq.

Aatsitassanut Attaveqatigiinnermullu ataatsimiititaliami suliap suliarinera

Aatsitassanut Attaveqatigiinnermullu ataatsimiititaliap aggstip 7-ani 2012-imi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 14-ani 2012-imi ataatsimiinnermini paasissutissaq tusaatissatut tiguaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Borgmesterip Ineqarnermut, Attaveqatigiinnermut Angallannermullu Naalakkersuisumut allagaa 2012-imi juulip 26-aneersooq.
2. Ineqarnermut, Attaveqatigiinnermut Angallannermullu Naalakkersuisup borgmesterimut allagaa 2012-imi juulip 30-aneersooq.
3. Borgmesterip Ineqarnermut, Attaveqatigiinnermut Angallannermullu Naalakkersuisumut allagaa 2012-imi aggstip 1-ianeersooq.
4. Borgmesterip Ineqarnermut, Attaveqatigiinnermut Angallannermullu Naalakkersuisumut allagaa 2012-imi aggstip 6-aneersooq.
5. Kangerlussuarmi ikaartarfik pillugu tusagassiutitigut nalunaarut.
6. Borgmesterip Naalakkersuisut Siulittaasuannut Kuupik Kleistimut allagaa 2012-imi aggstip 8-aneersooq



**Imm. 24 2012-mi Kangerlussuup avannaani aasaanerani umimmaat pisassiissutit agguan-
neqarnerat piniarneqarnerallu pillugit paasissutissiissut**

Journalnr.

Tunuliaqutaq

Aalisarnermut, Piniarnermut Nunalerinermullu Naalakkerisoqarfiup 2012-imi umimmaat pisassiissutit agguaanneqarnerat pillugu nalunaarutaat.

Matumani Qeqqata Kommuniani Kangerlussuup avannaani aasaanerani umimmanniarnissamut umimmaat 300-t pisassiissutigineqarput.

Maleruagassatigut tunngavissaq

Namminersorlutik Oqartussat nalunaarutaat nr. 9, umimmaat illersugaanerata piniagaanerallu pillugit, 11. juli 2012-imeersoq

Pissutsit atuuttut

Sisimiuni Aalisartut Piniartullu Peqatigiiffiat (SAPP), Sisimiuni Angallateerarsorlutik Aalisartut Piniartullu Peqatigiiffiat (SAAPP) aammalu Sarfannguani Itillimilu aalisartut piniartullu peqatigiiffii kiisalu Sisimiuni Saniatigooralugu Piniartartut Peqatigiiffiat tusarniaavigineqarput.

Sisimiuni nunaqarfinnilu aalisartut piniartullu peqatigiiffiisa aammalu sunngiffimmi pinialuttartut peqatigiiffianit tusarniutigineqartoq pillugu oqaarasuaatikkut nalunaarutigaa, inuutissarsiutigalugu aammalu sunngiffimmi piniarnermut allagartalinnut 75/25 %-mik avitsisarneq ajorineqanngitsoq.

Aningaasaqarnikkut allaffissornikkullu kingunerisinnaasai

Ilanngussaqaanngilaq.

Qullersaqarfiup oqaaseqaatai

Soqaanngilaq.

Allaffeqarfiup naliliinera

Allaffeqarfiup pisassiissutit avittarneri allannguuteqaanngimmata, tamaatut pisassiissutit avinneqaq-qinnissaat siunnersuutigaa.

Allaffeqarfiup innersuussutaa

Innersuussutigineqarpoq aasaanerani umimmanniarnissamut pisassiissutit umimmaat 300-t inuutissarsiutigalugu aammalu sunngiffimmi allagartalinnut 75/25 %-imik avinneqassasut, kisitsisinngorlugu 225/75-nik amerlassuseqartut.

Borgmesterip suliamik suliarinninnera

Kommunalbestyrelsi sinnerlugu, innersuussutigineqartoq juulip 24-ani 2012-imi borgmesterimit akuerissutigineqarpoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,



Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Namminersorlutik Oqartussat nalunaarutaat nr. 9 umimmaat illersugaanerat piniagaanerallu pillu-
git 11.juli 2012-imeersoq.



Imm. 25 Nakkutilliinermut atatillugu 2012-mi majiugaa Maniitsumi utoqqarnut angerlarsimaffik Neriusaamik, Nunatsinni Nakorsaaneqarfiup misissuineranik ilisimatitsissut

Journalnr.

Tunuliaqutaq

Nunatsinni Nakorsaaneqarfiup nakkutilliinermut atatillugu, Maniitsumi ulluinnarni paaqinnittarfiit utoqqaallu angerlarsimaffiat misissuivigivai. Uani utoqqarnut angerlarsimafiup misissuivigineqarnera ilisimatitsissutitut ingerlateqqinneqarpoq, nalunaarusiaq tassunga tunngasoq ilanngunneqarluni. Misissuivigineqarnerani nalunaarusiaq Ilaqutariinnermut ataatsimiitsitaliamut ilisimatitsissutigineqarpoq, kiisalu kommunimi suliffeqarfimmut annerpaamik akisussaasunut Kommunalbestyrelsimut ingerlateqqinneqarluni.

Maleruagassatigut tunngavissaq

Peqqinnissakkut Nakkutilliisoqarfiup sulinera pillugu Namminersornerullutik Oqartussat nalunaarutaat nr. 1, 4 januar 1996-meersoq § 9-mi ”Peqqinnissakkut nakkutilliisoqarneq malillugu, utoqqarnut angerlarsimaffik Nunatsinni nakorsaaneqarfimmit misissuivigineqarpoq.

Pissutsit atuuttut

Nunatsinni Nakorsaaneqarfiup nakkutilliisoqarfianit ilaatigut makkua ataasiakkaat nalunaarsuummi ilanngunneqarput:

”Illutaanut eqqiaanikkullu tunngatillugu pissutsit pitsaalluinnarput, nakorsaaterinerlu piumasaqaatinut naapertuulluinnarluni. Utoqqaat illutoqaani nakkutilliinermut atatillugu misissuinermi takusanut sanilliullugu, peqqissaasunik sundhedsassistent-inillu suliaminnut tunniussimasunik piumassuseqartunillu atorfinititsisoqarsimanera nuannaarutissaavoq. Peqqissaarnikkut sullissinerup pitsaassusia sammisaqartitsinerlu annertuumik malunnaatilimmillu qaffariaateqarsimapput. Ammattaaq utoqqaat paaqqutarineqarnerannut sammisaqartinnerannullu sulisut tunniusimanagerat anguniagaqarnerallu nersortariaqarpoq.”

Misissuivigineqarnerani misissorneqartut atasiakkaat nalunaarsuummi takuneqarsinnaapput. Nakkutilliisoqarfimmit peqqissutsimut eqqiluisaarnermullu tunngasut arlaqartut aamma misissorneqarput. Soorlu, igaffeqarneq, perusuersartarfeqarneq, nakorsaaterineq, kiisalu allat tunngaaticut pissutsit. Taassuma ataani peqqissutisimut atugarisatigullu pisariaqartinneqartut allat misissorneqarputtaaq, soorlu peqqissaanikkut ulluinnarnilu inuunermi naleqartitat, soorlu sammisaqarnissamut sungiusar-nissamullu periarfissat, illup iluani pissutsit il.il.

Aningaasaqarnikkut allaffissornikkullu kingunerisinnaasai

Soqanngilaq.

Allaffeqarfiup naliliinera

susmiiffinni tamani pissutsit pitsaalluinnarput. Ukiuni kingullerni pisortat sulisullu annertuumik tunaartaqartumillu suliniuteqarsimanagerat kinguneqarluarsimasoq, Nunatsinni Nakkutilliisoqarfimmit aamma takuneqarsinnaavoq.



Oqartoqarsinnaavoq, Nerijsaaq tassaasoq ”utoqqaat angerlarsimaffiat ineriartorfiusoq”, soorlu ilaatigut sulisut pisortaasullu taamatut oqaatigigaat. Paqqinneqarneqarnermi ulluinnarnilu atukkat pitsaassusiata attatiinnarnissaa pisinnaasimavoq nutarsaanikkut ineriartortitsinikkulu. Taamaattumik aamma suliffimmi piginnaasat, paqqinneqarnermilu naleqartitat ineriartortittuarnissaata eqquimaffiginissaa pisariaqarpoq.

Ilaqtariinnermut ataatsimiititaliami suliap suliarinera

Ilaqtariinnermut ataatsimiititaliap aggustip 15-ani 2012-imi ataatsimiinnermini paasissutissaq tusaatissatut tiguaa.

Kommunalbestyrelsimut suliaq ilisimatitsissutitut tusaatissatullu tiguneqarnissaanik innersuutilerlugu ingerlatinneqassaaq.

Nerijsaami sulisut najugaqartullu allakkatigut nersualaarlugit qutsavigalugillu pineqassapput.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

1. Nunatsinni Nakorsaaneqarfimmit nakkutilliinnermut atatillugu nalunaarusiaq tiguneqartoq ulloq 3. juli 2012



**Imm. 26 Meeqqanut inuusuttunullu tunngatillugu eqqugaasunut inatsit suliatigullu periut-
sit**

Journalnr.

Tunuliaqutaq

Inissiisarnermut tunngatillugu suleriaaseq pillugu nassuiaasoqarnissaa kissaatigalugu Kommunal-
bestyrelsi Ilaqutariinnermut ataatsimiititaliamut saaffiginnippoq. Tamatuma saniatigut inissiisimanerni
suut suliniutigineqarsimanersut takussutissiortoqarnissaa kissaatigineqarpoq.

Maleruagassatigut tunngavissat

Meeqqanik inuusuttunillu ikiorsiisarneq pillugu inatsisartut peqqussutaat nr. 1, 15. april 2003-
meersoq.

Pissutsit atuuttut

Meeqqanut inuusuttunullu tunngatillugu eqqugaasunut inatsit suliatigullu periutsit Immikkoortortap
ilanngussami nassuiaatigai.

Aningaasaqarnikkut allaffissornikkullu kingunerisinnaasai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, meeqqanut inuusuttunullu eqqugaasunut Immikkoortortap suliaminik
pitsanngorsaanerminik ingerlatsiinnarnissaa pisariaqartoq, allakkiap saqqummiunneqartup takutikkaa.

Allaffeqarfiup innersuussutaa

Immikkoortortap innersuussutigaa, Kommunalbestyrelsimut paasissutissatut saqqummiussinissaq
siunertaralugu ilanngussaq 1 eqqartorneqassasoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap aggstip 15-ani 2012-imi ataatsimiinnermini innersuussut akuer-
sissutigivaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

1. Meeqqanut inuusuttunullu tunngatillugu eqqugaasunut inatsit suliatigullu periutsit



Imm. 27 Tamalaat

Sisimiuni imeqarniarnerup ajornartorsiutaanera pillugu Nukissiorfinniit Jan Zachariassen nassuiaateqarpoq.

